

OLELIAHONA



O le "Aafiaga Faalegatauogo"
ma le "Tausiga o Fanau ia
Maufetuuna'i", itulau 12


"Sa Ma Ola Mai i Lea Totogi i
Lea Totogi . . ." itulau 18

O se Lesona i le Malosi Faaleagaga mai
i se Laau Mate o le Sekoia, itulau 26

3 Lesona i Auala e Maua ma Illoa
ai le Agaga, itulau 36

UA I AI
IINEI LE
EKALEΣΙΑ

Praia **Cape Verde**





O ni nai mea moni nei e uiga i le Eklesia i Cape Verde:



1989 Taunuu uluai faifeautalai

1991 Amata ona maua valaauga faamisiona e tagata o le Eklesia i Cape Verde

1994 Faapaia aloaia motu mo le talaiina atu i ai o le talalelei

2012 Faatulagaina le uluai siteki



Aoao atili e uiga i le Eklesia i nofoaga eseese i le talafaasolopito. ChurchofJesusChrist.org/GlobalHistories.



Auala e Mafai Ona
(ma O le a) Fesoasoani
Ai le Agaga la Te Oe e
Auauna Atu

8



Maufetuunai—
Ofutau Faa-
leagaga mo
Talavou o le Asō
Elder Lynn G.
Robbins

12



O se Tusi mai
se Aposetolo
Peresitene
M. Russell Ballard
26



O le Taliaina ma le Faailoaina
o le Taiala Faalelagi
Elder Adilson de Paula Parrella

36



O le Taua o le Maufetuunai

Ao ou auauna ai o se peresitene o le misiona i Urukuei Mai le 1994 i le 1997, sa masani ona ou faatusaina le galuega faafeautalai i le resitala ai lea i ni vasega maualuluga i le kolisi. Ou te ta'u atu ia matou faifeautalai o le auauna i se misiona e pei lava o le faia lea o ni vasega maualuluga i le filifiligā ma le onosai, ma isi uiga auaumama, ia o le a fesoasoani e saunia i latou mo le lumanai e avea o ni taitoalua ma ni matua.

O le mea e leaga ai, o nisi o tagata talavou i le asō e le o saunia mo lesona faigata o le olaga. E le o i ai ia i latou le mea ua ou ta'uua "o le taua o le malosi." Tatou te vaai i ai i lena leai o se maufetuunai i tagata tausaga muamua i kolisi, i fitafita fou i le militeli, e oo lava i nisi o a tatou faifeautalai faamisiona.

I le avea ai o ni matua, tatou te alolofa ia tatou fanau ma mananao i le mea sili mo i latou. Tatou te manano ia faigofie atu o latou olaga nai lo o le mea sa i ai o tatou olaga. Ae atonu ua tatou—faapea o le aganuu o loo tatou ola ai—faia nisi o mea o loo taunuu ai i le taunuuga e le i faamoemoeina lea o le faaititia o lo latou malosi.

O le mea e faafetai ai, o loo i ai se vaifofō. O loo maua lea i le faaaogaina o mataupu faavae mamana o le talalelei ia e mafai ona fesoasoani ia tatou talavou e avea sili atu faapei o le Faaola (tagai i le Luka 2:52). A o tatou opoopo mai ma faaaoga nei mataupu faavae, ia ou te talanoaina e amata atu i le itulau 12, ou te talitonu o le a faamanuiaina i tatou e le Alii e faamalolosia alii talavou ma tamaitai talavou ua la faasaoina e feagai ai ma faafetaiaia luitau o le asō.

Elder Lynn G. Robbins

O le Fitugafulu



Anotusi

5 Auala e Fesoasoani ai i Tamaiti ina ia Faateleina le Maufetuuna'i

6 O Atatosi o le Faatuatua

Debbie Cole—Leinster, Aelani

E ui sa aafia lona olaga i le sauaina faafeusuaga, ua tuuina atu ia te ia e le talalelei se vaaiga faavavau ma le malosi e foiaina ai.

8 Mataupu Faavae o le Auaunaga

Auala e Mafai Ona (ma O le a) Fesoasoani Ai le Agaga la Te Oe e Auauna Atu

E mafai ona fesoasoani le Agaga e taialaina la tatou auaunaga. O auala ia e ono e mafai ai ona fesoasoani ia te oe.

12 Maufetuuna'i—Ofutau Faaleagaga mo Talavou o le Asō

Saunia e Elder Lynn G. Robbins

O le faaaloalogia o le saolotoga o a tatou fanau e maua ai e i latou le avanoa e atinae ai le maufetuuna'i.

18 Faamanuiaga o le Ola Tutoatasi

O Le Vasega Na Suia Ai O Ma'ua Olaga

O le auala na toe liliu ai e Uso ma Tuafafine Rubio lo laua tulaga tau tupe.

20 O La'u Tusigāmanatu o le Konafesi

Konafesi Aoao ia Aperila 2019

22 O Leo o Le Au Paia o Aso e Gata Ai

O se ato tagamea ua faaalia ai i faifeautalai le alofa o lo latou tina; o Samaria lelei o aso nei ua fesoasoani i se fafine tulaga manaomia; o se faauooga ua faatupuina e ala i se faafitauli faale soifua maloloina; ua fesootai o ia i ona tuaa e ala i le musika.

26 O se Tusi mai se Apostolo

Saunia e Elder M. Russell Ballard

O se taiala a se perofeta mo o tatou aso.

32 O Le Afioga ma le Finagalo o le Alii

I lenei tusitusiga mai le Au Paia voluma 2, ua galulue paionia e ui atu i faigata i le Winter Quarters ma ua tupu le Ekalesia i le Pasefika i Saute.

36 O le Taliaina ma le Faailoaina o Taiala Faalelagi

Saunia e Elder Adilson de Paula Parrella

Ua sili atu lo tatou manaomaina o le malosi faaleagaga i le taimi lenei nai lo se isi lava taimi. O se taiala lenei mo le iloaina ma le taliaina o musumusuga.

Faitauga Vave

I Le Faavaa
Ata na pu'eina e
PixeldeLuxe/Getty Images



Vaega

Autalavou Matutua

40

E ui atonu tatou te mananao

ia atoatoa, **ae o uiga**

faafiaatoatoa e toso

esea i tatou mai le

Atua ma faamuta-

ina la tatou vaaiga

faavavau. Faitau po

o faapefea ona **faafoia**

e talavou matutua **uiga**

faafiaatoatoa ina ia avea ma

soo sili atu.



Autalavou

Saunia mo le konafesi aoao

ma le **Tusigāmanatu o le**

Konefesi.



Tamaiti

O Le Uo

Aoao pe faapefea **ona faifai**

mea faatasī ma isi. Saili se

taaloga mo le faalogologo

ai i le konafesi aoao. Ma

vaai pe aisea e taua ai


le **faamaoni.**



E NA’O TUSIGA FAATEKINOLOSI O SETEMA


**E Lē Manaomia i Taimi Uma
Ona E Faatalitali mo se Tali
Saunia e Leah Barton**

O se aafaga e uiga i le mana e filifili ai ma faia loa e aunoa ma se faaaliga maoti faaletagata lava ia.


**E Mafai Ona Ou Lagonaina le
Agaga i Totonu o Lo’u Fale e Le
Faatulagaina Lelei?**

Ua iloa e se tamaitai talavou matua e mafai lava ona ia lagonaina le uunaiga a le Agaga e tusa lava pe afai e le o matua atoatoa mea uma.


Oe: O Se Galuega o loo Faagaso
Saunia e David Dickson

Le auala na ou faatoilaloina ai uiga faafiaatoatoa.


**E tusa lava pe i ai Ou Vaivaiga, E
Mafai Pea Ona Avea Oe o se Alii
po o se Tamaitai Moni o le Atua**

Ua maua e se talavou matua le faamoemoe a o feagai o ia ma ni faafitauli i le agai ai e avea ma se “tagata o le Atua.”

SETEMA 2019 VOL. 43 NU. 9
LIAHONA 18609 890

O le mekasini faaovomal o Le Ekalesia a Iesu Keriso o le Au Paia o Aso e Gata Ai

O Le Peresitene Sili: Russell M.

Nelson, Dallin H. Oaks, Henry B. Eyring

O le Korama a Apostolo e Toasefululu:

M. Russell Ballard, Jeffrey R. Holland, Dieter F. Uchtdorf, David A. Bednar, Quentin L. Cook, D. Todd Christofferson, Neil L. Andersen, Ronald A. Rasband, Gary E. Stevenson, Dale G. Renlund, Gerrit W. Gong, Ulisses Soares

Faatonu: Randy D. Funk

Faufautua: Randall K. Bennett, Becky Craven, Sharon Eubank, Cristina B. Franco, Donald L. Hallstrom, Larry S. Kacher, Erich W. Kopischke, Lynn G. Robbins

Pule Faatonusili: Richard I. Heaton

Faatonusili o Mekasini a le Ekalesia: Allan R. Loyborg

Pule o Mea Tau Pisini: Garff Cannon

Pule Faatonu: Adam C. Olson

Pule Faatonu Lagolago: Ryan Carr

Faasalalau Lagolago: Camilla Castrillón

Au Tositusu ma Faatonutonu:

Maryssa Dennis, David Dickson, David A. Edwards, Matthew D. Flitton, Garrett H. Garff, Jon Ryan Jensen, Aaron Johnston, Charlotte Larcabal, Michael R. Morris, Eric B. Murdoch, Joshua J. Perkey, Jan Pinborough, Richard M. Romney, Mindy Selu, Lori Fuller Sosa, Chakell Wardleigh, Marissa Widdison

Pule Faatonusili o Faatufugaga: J. Scott Knudsen

Faatonusili o Faatufugaga: Tadd R. Peterson

Mamanu: Jeanette Andrews, Fay P.

Andrus, Mandy Bentley, C. Kimball Bott, Thomas Child, Joshua Dennis, David Green, Colleen Hinckley, Eric P. Johnsen, Susan Loqren, Scott M. Mooy, Emily Chioko Remington, Mark W. Robison, K. Nicole Walkenhorst

Faatonu o le Puletaofia o Meatotino:

Collette Nebeker Aune

Pule i le Gaosiga: Jane Ann Peters

Gaosiga: Ira Glen Adair, Julie Burdett, Thomas G. Cronin, Bryan W. Gygi, Ginny J. Nilson, Marissa M. Smith

Tailolomi: Joshua Dennis, Ammon Harris

Faatonusili Lomitusi: Steven T. Lewis

Faatonusili o Faletesi: Nelson Gonzalez

Mo le okaina o mekasini, alu i le store.lds.org po o le Faletesi Tutotonu i le Pesega. Telefoni 64127. Totogi o le Mekasini: \$0.55 (Samoa) i le kopi. Totogi mo le Tausaga Atoa \$6.60 (Samoa).

Auina atu tusitisiga ma faafesili i lugia o le initoneti i le liahona.lds.org: pe meli mai i le Liahona, Rm. 2420,

50 E. North Temple, Salt Lake City, UT 84150-0024, USA; po o le i-meli: liahona@ldschurch.org.

O Le Liahona (o lona uiga i le Tusi a Mamona o le “tapasa” po o se “faatonu a”) e lomia i le faa-Alepania, Aminia (Sasae), Pisilama, Palekeria, Kemupotua, Sepuano, Saina, Kalaoitia, Siekisolvakia, Tenimaka, Take, Igilisi, Esitonita, Fiti, Finelani, Farani, Siamani,

Eleni, Hanikeri, Initu, Iselani, Initonlesia,

Italia, Japani, Kiripati, Korea, Latvia, Litunia, Malakasa, Masela, Monokolia, Nouei, Polani, Potukale, Romania, Rusia, Samoa, Saina (ua faafaofoieina), Silovenia, Sipaniolo, Suetena, Swahili, Tagaloka, Tahiti, Tai, Toga, Lukureini, Urutu, ma Viatename. (E eseese lava gagana.)

© 2019 Puletaofia e le Intellectual

Reserve, Inc. Ua taofia aia tatau uma.

Lomia i le lunaite Setete o Amerika.

Faamatalaga o le Puletaofia: Vagana ua faailoa mai, e mafai e tagata taitoatisi ona kopi anomea mai le Liahona mo lo latou lava faaaogaina patino, e le faia ai ni pisinisi (e aofia ai valauga o le Ekalesia). O lenei aia tatau e mafai ona faaleaogaina i sooo se taimi. E le tatau ona kopina ia atu pe afai o loo faafiala le faasaina i le laina o faaaloaloga faatasi ai ma le faatufugaga. lauina mai fesili e uiga i le puletaofia e le Intellectual

Property Office, 50 E. North Temple St., FL 13, Salt Lake City, UT 84150, USA;

email: cor-intellectualproperty@

ldschurch.org.

Mo le Aufaitau i le lunaite Setete ma Kanata: September 2019 Vol. 43 No. 9.

LIAHONA (USPS 311) Samoan (ISSN 1045-0947) is published monthly by The Church of Jesus Christ of Latter-day Saints, 50 E. North Temple St., Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below.

Subscription help line: 1-800-537-5971. Credit card orders (American Express, Discover, MasterCard, Visa) may be taken by phone or at store.lds.org. (Canada

Post Information: Publication Agreement #40017431)

POSTMASTER: Send all UAA to CFS (see DMM 507.15.2). NONPOSTAL AND MILITARY FACILITIES: Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.

SAILI NISI MEA

I le polokalama o le Potutusi o le Talalelei ma i le liahona.ChurchofJesusChrist.org, e mafai ona e:

- Maua ai lomiga fou ma lomiga tuai.
- Maua ai na’o anotusi faatekinolosi.
- Faaleleia au suesuega i meafaigaluega faatekonolosi.
- Faasioa atu tusiga ma vitio e sili ona e fafia i ai.
- Sii mai pe lolomi ia tusiga.
- Faalogologo i tusiga e sili ona e fafia i ai.

FAAFESOOTAI MAI I MATOU

Imeli mai au fesili ma manatu faaalia i le liahona@ChurchofJesusChrist.org.

la auina mai au tala e faatupu faatuatua i le liahona.ChurchofJesusChrist.org pe meli mai i le: Liahona, floor 23

50 E. North Temple Street
Salt Lake City, UT 84150-0023, USA



AUALA E

FESOASOANI AI I TAMAITI E FAATELEINA LE MAUFETUUNA'I

Ole uluai faauigaina o le upu maufetuuna'i e faatatau lea i le gafataulimaina e se mea lona faatumauina pea o ona foliga po o le tulaga pe a uma ona lolo'u, fefaloa'i, pe tatao. O aso nei ua tatou faaaogaina tele le upu e faamatala ai lo tatou gafatia e toe tula'i mai i ni mafatiaga.

"A o atiina ae e fanau le maufetuuna'i, latou te talitonu e mafai ona latou uunaia ma e oo lava i le puleaina o taunuuga i o latou olaga e ala i taumafaiga, vaaiga faalemafau-fau, atamai, ma tomai. Latou te taulai i mea e *mafai* ona latou faia, nai lo mea e le mafai ona latou puleaina" (Lyle J. Burrup, "Tausiga o Fanau ina ia Maufetuuna'i," *Liahona*, Mati 2013, 11).

Mo nisi faamatalaga e uiga i lenei autu, tagai i le "Maufetuunai—Ofutau Faaleagaga mo Talavou o le Asō" saunia e Elder Lynn G. Robbins i le lomiga lenei i le itulau e 12.



la tutusa taimi uma i le ofoina atu

o taui manaomia mo gaoi-oiga ma amioga atonu e te manao e faamalosia.

Ta'u atu **i fanau** e iai lo latou **taua na fananau mai ma i latou** ona o i latou o atalii ma afafine o le Atua.

Vivii taumafaiga a le tamaitiiti.

Talanoaina tula-fono ma faatulaga faasalaga fetau ma talafeagi, e fesootai ma amioga, ma faaaloalogia ai uma le matua ma le tamaitiiti.

Faauiga le faa-manuiaina o se tau-nuuga o le galue malosi ma le ositaulaga.

Faauiga le toilalo o se mea e le tumau ma o se avanoa e aoao ai.



Debbie Cole

Leinster, Aealani



O Debbie sa sauaina faalefeusuiga i le 1989 i le 19 o ona tausaga. I lona finau ai ina ia le faaleagaina lona olaga e lenei aafiaga, safaalagolago Debbie (o loo faaali mai ma lana tama teine) i lona faatuatua a o galue o ia o se volenitia e fesoasoani atu i isi tagata ua sauaina faalefeusuiga ma talanoa atu faalauaitele mo le faatuina o ni tulafono faavae e fesoasoani e puipuia ai isi mai tagata solitulafono faalefeusuiga.

LESLIE NILSSON, TAGATA PUEATA

E matuā faigata lava le taumafai e faamalamalama ia lagona o le aafia i sauaga faalefeusuiga i se tasi e le i oo i ai i lena mafatiaga. O se aafiaga faapea e tumau ia te oe i taimi uma—o le a le alu ese lava. O le a ai aso pe a i ai se mea e faaosofia ai lou manuatina o lea aafiaga ma o le a e lagona ai ua aveesea mai ia te oe lou mana, lou talitonu ia te oe lava, ma lou saogalemu.

I taimi na, na o le pau lava le mea e mafai ona ou faia o le tootuli ifo i o'u tulivae ma talanoa atu i lo'u Tama Faalelagi. Ou te iloa e aunoa ma se masalosalo e faafogofa mai o la ma tali mai i a'u tatalo. E i ai so'u tupuaga faalelagi, ma o lea mea ua aumaia ia te a'u le malosi e faaaauai ai pea pe a oo ina faigata le olaga.

Aemaise, o lo'u iloa e alofa lo'u Faaola ia te a'u e aumaia ia te a'u le faamoemoe ma le taulaiga. Ou te fiafia tele i le saunoaga a Elder Jeffrey R. Holland o le Korama a Aposetolo e Toasefululua: "E le mafai e oe ona magoto i lalo ifo o le mea e susulu ai le mafalamalama e le i'u o le Togiola a Keriso" ("O le Au Faigaluega i le Tovine," *Liahona*, Me 2012, 33). E mafai ona fesoasoani le Faaola ia i tatou e tusa lava po o fea le mea o loo i ai i tatou po o le a foi le mea o loo feagai ma i tatou. Ou te vaai atu ia te la mo se faataitaiga o le mea e fai i taimi faigata.

SUESUE ATILI

Tagai i nisi tala e uiga i le faigamalaga o le faatuatua a Debbie, e aofia ai ma ata faaoopoopo, i le Faletusi o le Talalelei po o le kopu i lugua o le initoneti o lenei tusiga i le ChurchofJesusChrist.org/go/9196.

Ua molimau Elder Neil L. Andersen i le mana faamalolo o le Faaola i le ChurchofJesusChrist.org/go/9197.



Mataupu Faavae o le Auaunaga

Auala e Mafai Ona (ma O le a) Fesoasoani Ai le Agaga la Te Oe e Auauna Atu

O le tofiga faaleperisitua e auauna atu, ua tuuina mai uma i alii ma tamaitai, e aofia ai le aia tatau e mauaina faaaliga.

Ole valaaau e auauna atu ma galue mo isi ma oo lava ina alofa atu e pei ona sa faia e le Faaola e mafai ona avea ma luitau i nisi taimi— aemaise lava pe a aafia ai le aapa atu ia i latou atonu tatou te le iloa lelei. Faatasi ai ma le miliona o auala e auauna atu ai, tatou te tau tuufesili ai pe faapefela la ona tatou iloa auala silisili ona lelei e aapa atu ai ia i latou ua tofia i ai i tatou.

E le manaomia ona umi ona tatou tau tuufesili aua o a tatou taumafaiga faamaoni e mafai ona taijalaina e le Agaga Paia.

“E tuuina atu e lou tofiga paia o le auaunaga ia te oe le aia tatau faalelagi i musumusuga,” sa saunoa mai ai Sister Bonnie H. Cordon, o le Peresitene Aoao o Tamaitai Talavou. “E mafai ona e sailia lena musumusuga ma le mautinoa.”¹

A tatou saili e auauna atu e pei ona sa faia e le Faaola, e mafai ona taitaia i tatou e le Agaga lava lea e tasi lea sa taitaia o Ia. E faapitoa lava le moni o lenei mea pe a auauna atu e ala i tofitofiga, e pei o auaunaga, sa faia i lalo o le pule o ki o le perisitua a le epikopo. O fautuaga ia e ono mo auaunaga faatasi ma le Agaga.

1

E Faapefea Ona Ou Maua le Agaga Pe a Faia Auaunaga?

Talosaga mo le Taitaiga. E finagalo le Tama Faalelagi ia i tatou e fesootai atu ia te Ia e ala i le tatalo. O le tatalo e le gata ina faatagaina i tatou e faalatalata atili atu ia te Ia, ae e faapea foi ona faamautuina mai “faamanuiaga ua naunau le Atua e to mai, ae e faalagolago i lo tatou ole atu mo na faamanuiaga.”² “Ao tatou tatalo ma saili ina ia malamalama i o latou loto,” sa saunoa mai ai Sister Gordon, “Ou te molimau atu o le a taitaia i tatou e le Tama Faalelagi ma o le a faatasi mai Lona Agaga mai tatou.”³

2

Aua le Faatalitali mo se Musumusuga. Ia manatunatu lelei. Ia “auai ma le naunautai” (Mataupu Faavae ma Feagaiga 58:27), ma o le a e iloa ai o au taumafaiga e mafai ona taialaina ma faalauteleina. “O le agai i luma i a tatou auaunaga ma galuega o se auala taua e agavaa ai mo faaaliga,” o le saunoaga lea a Peresitene Dallin H. Oaks, Fesoasoani Muamua i le Au Peresitene Sili. “I a’u suesuega o tusitusiga paia ua ou matauina ai, o le tele o faaaliga i fanau a le Atua e oo mai i taimi latou te galulue ai, e le o taimi latou te nofonofa ai i o latou apitaga ma faatalitali i le Alii e ta’u atu ia i latou le laasaga muamua e faia.”⁴

VALAAULIA E FAATINO

A o e femalagaa’i le faia o lau auaunaga i aso taitasi, saili ma tali atu ma le loto tatalo i musumusuga a le Agaga Paia. Ia manatua o le a faamanua oe e le Tama Faalelagi ma i latou e te auauna i ai e pei ona e faia!



FAASOA OU AAIFIAGA

Auina mai ou aaifiaga ia i matou a o e auauna atu i isi pe na e mauaina ni auaunaga. Alu i le liahona.ChurchofJesusChrist.org ma kiliki i le “Auina Mai se Tusiga po o ni Manatu Faaalia.”


3

E Faapefea Ona Ou Iloaina Musumusuga e Auauna Atu?

Faaaoga le Fautuaga a Mamona. E le manaomia ona tatou nofonofo solo ma popole pe faamata o se manatu e oo mai o se musumusuga pe leai. E le manaomia pe afai ua ia i tatou le ki faigofie a Mamona i le iloaina. Afai e iai sou manatu e musuia oe e faia mea lelei ma talitonu pe e fesoasoani i isi e talitonu ia Keriso, e mafai ona e iloaina e mai le Atua (tagai i le Moronae 7:16).

4

Aua le Popole i ai. “Na o lou oso lava i le vai ma aau,” sa faapea mai ai Elder Jeffrey R. Holland o le Korama a Aposetolo e Toasefululua. “Agai atu ia i latou e le tagolima. Aua le nofo ma tuufesili i lou mafaufau pe tatau ona e aau agai i tua pe aau faapei o se taifau. Afai tatou te mulimuli i mataupu faavae autu ua aoaoina, tumau le ogatusa ma ki o le perisitua, ma saili atu i le Agaga Paia e taiala i tatou, e le mafai ona tatou toilalo.”⁵



O LE FAATAITAIGA A LE FAAOLA

Saunia le Faaola mo Lana galuega. “O lesu o le Nasareta, o le na faauuina e le Atua i le Agaga Paia,” ona afio lea o Keriso “femaliuai ma agalelei” (Galuega 10:38). Sa “tumu o la i le Agaga Paia” ma sa masani ona “ave lea o la e le Agaga” (Luka 4:1). E moni lava sa femaliuai Keriso ma agalelei atu a o le i faauuina o ia i le Agaga Paia, ae o le mauaina o le Agaga Paia ma maua o lena aia tatau i musumusuga o se vaega taua o Lana galuega—e pei lava ona avea o se vaega taua o la tatou galuega.

5

O le a le Auala Sili e Mulimuli Ai i se Musumusuga?

I le taimi lava lenei. O Sister Susan Bednar (faletua o Elder David A. Bednar o le Korama a Aposetolo e Toasefululua) o se faataitaiga sili o le mulimuli ai i musumusuga. I le maea ai ona tatalo “mo ona mata faaleagaga ia vaai ia i latou o e o iai se manao-ga,” ona ia vaavaai solo ai lea i le aupaia ma masani lava ona ia “lagonaina se uunaiga faaleagaga e asiiasi atu pe faia se valaau i le telefoni i se tagata patino,” o le faasoa lea a Elder Bednar. “Ma a maua e Sister Bednar se uunaiga faapena, e vave lava ona ia tali atu ma usitai. O le mea masani o le taimi lava e ta’u ai le ‘amene’ i le tatalo faaiu, e talanoa atu ai o ia i se tagata talavou pe opo se uso pe, a oo atu i le fale, o le taimi lava lea e piki ai i lugia le telefoni ma fai ai se valaau.”⁶

6

Ma le lototele. O le fefe i le teena ma lagona o le matamuli, o le atoatoa, po o le fai ma faalavelave i isi e mafai ona taofia i tatou mai le mulimuli i se musumusuga e auauna atu. “I taimi ma auala eseese, tatou te lagona uma lava le le atoatoa, le le mautonu, atonu foi o le le agavaa,” sa saunoa mai ai Elder Gerrit W. Gong o le Korama a Aposetolo e Toasefululua. “Ae i la tatou taumafaiga faamaoni ina ia alofa i le Atua ma auauna atu i o tatou tuaoi, e mafai ona tatou lagona le alofa o le Atua ma le musumusuga e manao-mia mo o latou olaga ma o tatou olaga i auala fou ma paia atu.”⁷

Sa faasoa mai e se tasi o uso le auala na ia faataututū ai i le aapa atu i le tane a se fafine lea sa taumafai muamua e pule i le ola. Ae sa iu lava ina ia talosagaina le tane mo se ‘aiga o le aoauli. “Ina ua ou fai atu, ‘Sa taumafai lou toalua e pule i le ola. Atonu o se mea lea e matuā lofituina ai oe. E te fia talanoa e uiga i ai?’ sa ia tagi ma le le maasiasi,” o lana faasoa mai lea. “Sa ma maua se talanoaga alofa ma mafanafana ma atiaeina se vavalalata ofoofogia ma le faatuatuaina i totonu o ni nai minute.”⁸ ■

FAAMATALAGA

- Bonnie H. Cordon, “Avea ma se Leoleo Mamoe,” *Liahona*, Nov. 2018, 76.
- Taiala i Tusitusiga Paia, “Tatalo.”
- Bonnie H. Cordon, “Avea ma se Leoleo Mamoe,” 76.
- Dallin H. Oaks, “I Lona Lava Taimi, i Lana Lava Ala,” *Liahona*, Aok. 2013, 24.
- Jeffrey R. Holland, “O le Galuega o le Faaleleiga,” *Liahona*, Nov. 2018, 77.
- David A. Bednar, “Ia Atamai,” *Liahona*, Tes. 2006, 17.
- Gerrit W. Gong, “O La Tatou Afia o le Tolauapiga o le Faatuatua,” *Liahona*, Nov. 2018, 42.
- Tagai ia Bonnie H. Cordon, “Avea ma se Leoleo Mamoe,” 76.



SUESUE ATILI

Ua aoao mai le perofeta i auala e maua ai faaaliga faaletagata lava ia, tagai i le “Faaaliga mo o Tatou Olaga,” saunia e Peresitene Russell M. Nelson (*Liahona*, Me 2018).



Saunia e Elder
Lynn G. Robbins
O le Fitugafulu

Maufetuunai

OFUTAU FAALEAGAGA MO TALAVOU O LE ASO

O a tatou fanau e mafai ona manuia i le feagai ai ma luitau o aso nei. O lo tatou tiute o matua o le fesoasoani e saunia i latou e fa‘afetaui na luitau.

Ole tala o loo faamatalaina i le taimi o le pulega a Peretania o Initia faakolone, sa i ai se aofaiga le talafeagai o gata uogo i totonu ma fafo o Delhi. Ina ia foia le faafitauli, na amata e le pulega o le lotoifale ona totogi se tau mo gata pēpē. O le mea leaga na mafua mai le tau lea sa totogi o le amata lea e le aufaipisinisi ona faasao gata mo se polofiti. Ina ua le toe totogiina se tupe, sa faasaoloto e tagata ia na fafagaina gata, ma toe faatupulaia ai le faafitauli.

O le fa‘alogona o a‘ifiaga e le‘i fa‘amoemoeina o nisi taimi e mafua ai ona sili atu le leaga nai lo fa‘amanuiaga ua fa‘amoemoeina o lo‘o ta‘ua o le “aafiaga o le gata [cobra effect].”¹

O Le Aafiaga o le Gata i le Tupulaga Faia‘e

I le taimi o lá‘u asiasiga i le Iunivesite o Polika Iaga-Idaho i le tautoulu o le 2017, na ta‘u mai ai e le peresitene fou o le aoga, o Henry J. Eyring, o lona popolega muamua, o le mauluga o le aofa‘i o tamaiti tausaga muamua i le kolisi ua faamaamulu. O tagata aoga e tuua kolisi mo mafuaaga esese, ae o le le lava o le maufetuuna‘i o se tasi lea o mafuaaga taua e tele ai iunivesite i le Iunaite Setete o lo‘o feagai ma le luitau lava lea e tasi.²

O le maufetuuna‘i o “se gafatia e toe maua mai pe o le fetuutunai faigofie i le le lelei po‘o le suiga.”³ I le sailia o le le lava o le maufetuuna‘i o ana fitafita, na amata ai e le Vaegaau a le I.S. le ofoina atu o le Polokalama a‘oa‘oga o le Master Resilience Training e faamalosia ai fitafita e faasaga i le atuatuvala, manaoga, ma faigata o le auaunaga faamiliteli.⁴

Tatou te feagai ma popolega lava e tasi i le Ekalesia ma se pasene mauluga atu o faifeautalai faamisiona ua vave foi mai i latou mai a latou misiona nai lo augatupulaga ua mavae. O nisi faifeautalai latou te feagai ma luitau ogaoga o le soifua maloloina po‘o isi tofotofoga e mana‘omia ai vave le faamalolo ma auina atu i le fale, ae o isi atonu e le mafai ona atina‘e le lava o le malosi o le maufetuuna‘i.



O le malamalama ma le faaaogaina o mataupu faavae malolosi o le talalelei e mafai ona fesoasoani i le autalavou e faamalosia ai lo latou gafatia.

O Lyle J. Burrup, o le sa galue o se faufautua o le soifua maloloina o le mafaufau i le Matagaluega o Faifeautalai a le Ekalesia, ua matauina o le mafuaaga taatele o faafitauli faalelagona o feagai ma faifeautalai o le leai o se maufetuuna^{‘i}. “I le tele o tulaga,” na ia fai mai ai, “e le‘i aoaoina e le faifeautalai pe faapefea ona taulimaina lelei ia luitau.”⁵

O iunivesite, o le militeli, ma le misiona e le o mafua ai le faafitauli; o lo‘o latou fa‘aaliala lava. O le maualalo o le maufetuunai i tupulaga talavou i aso nei atonu o se taunuuga e le fuafuaina—o se aafiaga o le gata i aso nei—e mafua mai i mea e pei o:

- Tele o taimi i luga o le nofoa faamalu ma masini faatekinolosi, ae leai se faamalosito ma gaoioiga faaletino e pei o augatupula ua mavae.⁶
- O le tele naua o le fa‘aaliala i se lalolagi e le mafai ona vaa i tino i ai pe o se lalolagi faataitai, e mafua ai ni vaaiga patino i le tagata lava ia e le lelei, atuatuvale, faanoanoa ma le manatu maualalo ia te ia lava.⁷
- O le le lava o le onosai i se lalolagi e maua vave le taui ma tali i le saoasaoa e pei o le Google. (I le isi itu, o le maufetuuna^{‘i} e atiina ae i se vaega tele e ala i le mama o le onosai.)
- Puipuiga mai sami louloua. “O sami filemu e le maua ai ni au seila atamamai.”⁸
- O se lalolagi e i ai filifiliga e le i‘u e faaavelave, vavao leo e fenumiai, ma se olaga

faigofie lea e mafai ona faavaivaia ai le autalavou ma tagata matutua i vaega a le Agaga.

- O le tele o taimi e alu i luga o alafesootai faatekinolosi ma e le lava le taimi e talanoa faafesagai ai, e mafua ai ona le atinaeina tomai faapitoa.


E tele tusi na tusia e uiga i lenei luitau faigata ma le ogaoga, e aofia ai le tasi ma le autu faamatalaina *iGen: Aisea Ua Tuputupu A‘e Ai Tamaiti Fesootai-Maoae o Aso Nei, E Le Fouuale Tele, Sili Atu Ona Faapalepale, Fiafia Itiiti--ma le Matua Le Saunia mo le Avea Ma Tagata Matua*.

O le lalolagi o loo fesuisui. Ua faasaoina e le Alii agaga mo aso nei e mafai ona manuia i le feagai ai ma luitau o aso nei. O lo tatou tiute o ni matua faafailleleina o le fesoasoani lea e saunia i latou e faafetaiaia na luitau e ala i le galueaiina ma le faamalosia o lo latou maufetuuna^{‘i}, faatuatua, ma le malosi.

Faatasi ai ma mataupu faavae mamana o le talalelei e fesoasoani ia i tatou, e mafai ona tatou fesoasoani i le autalavou e faamalosia lo latou maufetuuna^{‘i}, mafai ai ona latou avea atili e faapei o le Faaola e ala i le “faatele[ina] i le atamai ma le tino [faaletino ma le mafaufau], ma alofagia e le Atua [faaleagaga] ma le tagata [fegalegaleaiga ma faalelagona]” (Luka 2:52). Ou te fia talanoaina ni mataupu faavae se fa o le talalelei: (1) ola tutoatasi, (2) faafeagai i mea uma, (3) le meaalofa o le Agaga Paia, ma (4) filifiliga saoloto.

1. Tausiaina o Fanau e Ola Tutoatasi: Santa Claus ma Scrooge

I taumafaiga e fesoasoani ai i ē le tagolima, matou te taumafai e maua le paleni lelei i le va o mataupu faavae fa‘apitoa e lua: o le alofa moni ma fa‘amalosia le faalagolago o le tagata ia te ia lava. O le alofa e aunoa ma le uunaia



O le alofa mama (tuuina atu i se tagata se i‘a) ma le ola tutoatasi (aoaoina o se tasi i le faatufugaga o le fagota) e faata-tau foi i le tulaga faa-matua.

o le faalagolago o le tagata ia te ia lava, o Santa Claus. O le uunaia o le faalagolago o le tagata ia te ia lava e aunoa ma le agalelei o Scrooge lea.⁹ Po le ogaoga na o ia lava e le paleni lea.

O le alofa mama (tuumina atu i se tagata se i'a) ma le ola tutoatasi (aoaoina o se tasi i le faatufugaga o le fagota) e faatatau foi i le tulaga faa-matua. E mafai ona tatou faia filifiliga uma mo a tatou fanau, ae o le a sili atu le atamai i le aoaoina o i latou i le tomai o le faia o filifiliga ma fesoasoani ia i latou ia maua le ola tutoatasi faaleatamai, faaleagaga, faaagafesootai, ma faalelagona.

O se faataitaiga musuia o loo maua i le gaosiga ootia o *The Miracle Worker*, o se tala mafatia mai le talaaga a Helen Keller, o le na aafia i se gasegase a o pepe lea na mafua ai ona tutuli ma tauaso.¹⁰ I le la taumafaiga e pei o Santa i le tausiga o le la tama teine, o matua o Helen sa matua popole ma faamalumalu ia te ia, faatasi ai ma taunuuga le lelei o le faaleagaina o le atamai, itu faaleagaga, agafesootai, ma lagona o Helen.

I le isi itu, o Anne Sullivan, le faiaoga tumaoti a Helen, na iloa na maua e Helen le faaloloto tele ma o lea na amata ona fesoasoani ia Helen e fetaiai ma ona faafitauli ma ia sili atu lona faalagolago ia te ia lava. I le faaiuga, o Anne Sullivan, ae le o matua o Helen, na fesoasoani ia Helen e ola e tusa ai ma lona gafatia moni.

Talu ai tatou te alolofa ia tatou fanau, tatou te fia va'ai o latou manuia. E mafai ona faaosoosoina i tatou e aveese faafitauli uma o loo fa'alavelave i o latou ala. Po o le faaitiia o le latou le fiafia ma le toilalo, atonu e faaosoosoina i tatou e fai le galuega faigata mo i latou, e pei ona faia e matua o Helen. Ae peita'i, a tatou faia lea mea, atonu tatou te le o iloa o loo tatou faalavelave i a tatou fanau ma le atina'eina o le maufetuunai lea e mana'omia ina ia latou malolosi, ma avea ma ni soo tuto'atasi o Keriso.

Nai lo le ovapuipua o fanau ma le vave ona tatou laveaiiina i latou, e tatau ona tatou mafaufau i le auala a le Faaola. Na te faamalosia i tatou ina ia "tauave a [tatou] avega" (Mosaea 24:15) ma e le masani ona laveai i le vave tatou te mananao i ai (tagai Mataupu Faavae ma Feagaiga 121:1-3).

2. Faafeagai: O Le Faamanuiaga o Mea Faigata

O se tasi o auala a le Tama Faalelagi, o lo tatou matua atoatoa, e siitia ai i tatou ina ia mafai ona fesoasoani ma saunia i tatou mo lo tatou fiafia i le lumanai o le auina lea o i tatou i se lalolagi lea o le a tofotofoina ai ma faamamaina lo tatou malosi, e pei ona molimaunia i mau nei:

- O le a "tofotofoina i tatou, e pei o Aperaamo" (Mataupu Faavae ma Feagaiga 101: 4).
- O faigata "o le a tuuina mai ia i [tatou] le poto masani, ma o le a avea mo [tatou] lelei" (Mataupu Faavae ma Feagaiga 122:7).

O le ala e
masani lava
ona tifato ma
ma'ama'ā, ma
o le a tofu i
tatou ma a
tatou sea o le
tautevateva
ma faaletonu.



- "E iai le faafeagai i mea uma" (2 Nifae 2:11), o lea e faataga ai e le Tama Faalelagi i tatou e "tofo i le oona, ina ia [tatou] iloa ai ona faataua le lelei." (Mose 6:55).
- Tatou "te le maua e se mau, seia uma le tofotofoina o lo [tatou] faatuatua" (Eteru 12:6).

O le aoao e atiina ae uiga faaKeriso o le faatuatua, onosai, filiga, ma le maufetuuna'i, faatasi ai ma le tele o isi, e le mafai ona tupu e aunoa ma le faafeagai po o le "ogaumu o puapuaga" (Isaia 48:10). O lea la, o lo tatou Tama o i le Lagi, ua faatagaina ona tatou feagai ma luitau faigata ma faia mea faigata. E fa'apefea ona avea i tatou faapei o lo tatou Faataitaiga Sili pe afai tatou te le feagai ma tofotofoga e talitutusa ma vaega na faia ai Ia?

E masani ona ou ta'u atu i faifeatalai, "I totonu o le misiona o le a e lesitala i vasega maualuga: Maelega 501 ma le Onosai 505, faatasi ai ma le tele o isi. Ua na o lenei mataupu aoaoina alualu i luma o le a e aoao ai e avea ma faifeatalai maoae ma mulimuli ane o tane ma avā mata'ina, tamā ma tina. Afai e i ai sou aso faigata, ia manatua ou mafatiaga e pei ona faia e le au Apostolo o Peteru ma Ioane, o e na faafalepuipuina ma fasia '[olioli] ona ua tauaogaina i latou e tigaina ona o lona suafa'" (tagai Galuega 5:18, 40–41; tagai foi 1 Peteru 4:13; Kolose 2:8).

O faigata, tauiviga, ma le fa'alauatele e fesoasoani ia i tatou e atiina ae ai le maufetuuna'i-o le tomai e tulai ai, tata ese le pefu mai ia i tatou,

O le mea silisili ma taua ona mafai e se matua ona aoaoina se tamaitiiti o le iloaina lea o musumusuga a le Agaga Paia.

ma faaaauau pea i le ala sao ma le vaapiapi. O lena auala e masani lava ona tifato ma papa, ma o le a tatou maua uma a tatou vaega o le tautevateva ma faaletonu. O le meaalofa a le Alii o le le muta i avanoa lona lua lea e mafai ai e i tatou ona agai i luma ma le maufetuuna'i.¹¹

3. O le Agaga Paia ma le Faia o Faaiuga Musuia

Nai lo le mauaina o ni tali faigofie, e mana'o-mia e fanau ona ola i le tomai o le faia o filifiliga. E mafai ona tatou tu'uina atu le ta'ita'iga ae tatau ona fa'atagaina i latou e mafaufau mo i latou lava ma amata ona faia ni nai faaiuga laiti.

Talu ai ona o le meaalofa o le Agaga Paia o le meaalofa sili lea e mafai ona maua e le tagata faaletino,¹² o le mea silisili ma sili ona mafai e matua ona aoaoina se tamaitiiti o le iloaina lea o musumusuga a le Agaga Paia. O le aoaoina o fanau ina ia agavaa mo lenei meaalofa sili ma auala e maua ai faaaliga faaletagata lava ia, o le mea aupito taua lea e mafai ona tatou faia e tausia ai fanau ola tutoatasi faaleagaga.

Tatou te aoaoina se lesona taua mai ia Oliva Kaotui, o le sa ole atu i le tatalo ma e lei mauaina. Na tau atu e le Alii ia te ia:

"Faauta, sa e le malamalama; sa e manatu o le a Ou tuu atu ia te oe lena mea, ae e te lei mafaufau i ai ae na o lou ole mai ai ia te a'u.

Ae peitai, faauta, ou te fai atu ia te oe, e ao ina e sailili mae'ae'a ai i lou mafaufau; ona e ole mai lea ia te a'u po ua sa'o, afai ua sa'o ou te faia ia mu lou loto i totonus ia te oe; o lea la, o le a e lagona ai ua tonu" (tagai Mataupu Faavae ma Feagaiga 9:7-8).

Pe a o mai tatou fanau ma ole mai mo se fesoasoani i se meaaoga, mo se faataitaiga, tatou te le faia le galuega mo i latou. Tatou te tuuina atu le taitaiga, ma, e pei ona fetalai mai le Alii ia Oliva, ma faapea atu, "O lenei, alu e galue i ai, ma pe a mae'a, toe foi mai ma o le a ou iloa ai pe na e maua ai le tali sa'o."

Aoaoina o fanau pe faapefea ona galulue ma manumalo i o latou tofotofoga e fesoasoani e mafaufau mo i latou lava, malamalama i faafitauli, ma iloa musumusuga a le Agaga Paia. E na'o lo latou lava poto masani i le foia o faafitauli e latou te atiae ai lagona masani ma le poto ma tuputupu ae i lo latou gafatia e "suesue i ai" ma maua faaalgia.

O le le aoaoina o a tatou fanau ia ola tutoatasi faaleagaga ma le gafatia e oo mai faatasi ma lenei lapataiga mai ia Peresitene Russell M. Nelson: "I aso a sau, o le a le mafai ona ola ai faaleagaga e aunoa ma le taiala, taitaiga, faamafanafanaga, ma le faatosinaga mafanafana a le Agaga Paia."¹³

4. O le Faamamaluina o le Faitalia i le Magaala

Ua ou faalogo ia Peresitene Nelson e faasoa atu le tala i lona afafine e valu tausaga le matua, o le na sau ia te ia i se tasi Aso Sa ma fesili atu pe mafai ona ia alu e tietie taavale faasee ma se aiga i le uarota. Na ia fai mai, "Na ou iloa e le atamai pe a tali ioe pe leai. Na matou susueina le Tusi Paia i le Esoto 31:13: 'Tou te tausi lava i o'u sapati: aua o le faailoga lea ia te au ma outou, e oo i a outou tupulaga amuli.' Ona ou fesili atu lea ia te ia pe o le a sona lagona e uiga i le tietie taavale faasee i le Sapati. Sa fai mai o ia, 'Tama, ou te fia faaali atu i le Tama Faalelagi ou te alofa ia te Ia, o lea ou te le alu ai."

Na faaaauau le saunoaga a Peresitene Nelson: "Ina ua mavae se



Pe a o mai tatou fanau ma ole mai mo se fesoasoani i se meaaoga, tatou te le faia le galuega mo i latou.

augatupulaga ma ua avea nei lo'u afafine ma se tina, sa ou i ai i lona fare ina ua talosagaina e lona atalii laitiiti lana faatagaga ma se talosaga talitutusa. Sa matagofie ma faamalieloto mo au le vaavaai atu ia te ia o susueina le Tusi Paia ma lana tama ma faitau lena lava fuaiupu."

I le tele o tausaga ua mavae, sa ou faitau ai i se tama na fagua lona atalii i se tasi Aso Sa e sauni mo le lotu. Sa tali mai le atalii, "Ou te le alu i le lotu i le aso nei." E toatele matua i se taimi e pei o lena o le a faaososo-ina e fai atu, "Oi, ioe e te alu" ona faaopoopo ai lea ma se taufaamatau. O lenei tamā sa atamai tele ma sa ia faapea atu, "Atalii, e te le tau faamalamalamaina pe aisea ia te a'u, aua e le o la'u Ekalesia lenei. Ae tatau ona e alu i lalo i ou tulivae ma avatu lau 'alofaga i lou Tama i le Lagi."

Ona tuua lea e le tama lona atalii i le magaala ma le Agaga Paia. E mafai e le Agaga Paia ona aveesea le filemu mai a tatou fanau e sili atu nai lo le mea tatou te mafaia pe afai o le a tatou faalagolago i lena meaalofa maoae. "E leai se molimau e sili ona matautia pe leai foi se tasi e sili ona mamana e pei o le mafaufau."¹⁴ I totonu o ni nai minute, na nofo i luga le talavou lea ma sauni mo le lotu. Ana faamalosia e le tama lona atalii e alu i le lotu, semanu na ia totoina ni fatu o le ita ma le fouvale, faatasi ai ma le aafiaga o le gata [cobra effect] o le a i ai.

E i ai le tulaga lamatia i le faamamaluina o le faitalia o a tatou fanau ma tuua ai i latou i le magaala i le auala. Ae pe lei faia ea e lo tatou Tama o i le Lagi lena lava lamatiaga i le muai olaga ma iu ai ina aveesea se vaega lona tolu o Ana fanau agaga? Talu ai ona o le aoaoga faavae o le faitalia e taua tele i le ata o le faaolataga, o le tulaga lamatia e le maalofia, e feteenai ma tetee a Lusifelo.

Afai e mafai ona ou toe teuteuina sina upusii a le Perofeta o Iosefa Samita, o le a ou faamatalaina i lenei auala e faatatau i tamaiti: "Tatou te aoaoina i latou i mataupu faavae sa'o tusa lava pe tatou te fafia i ai pe leai, o le a latou pulea i latou lava."¹⁵ O le a o'o mai le aso o le a tuua ai e a tatou fanau le fare. Pau lo tatou faamoemoe o ni matua o le aoao atu ia i latou o mataupu faavae sao e uiga i le ata o le faaolataga ma fesoasoani ia i latou ia iloa musumusuga a le Agaga e taialaina ai i latou i le faaaogaina poto o lo latou faitalia. A leai, atonu latou te le maua le ola tutoatasi faaleagaga ma le maufetuunai e feagai ai ma tofotofoga i le lumanai, ma se avanoa e mafai ai ona leiloloa i latou.

Tatou te matuai lagonaina le loloto ma le faafetai e faavavau mo le faatinoga sili o le maufetuuna'i i le talafaasolopito o le lalolagi—o le Togiola a Iesu Keriso. E lei taofia le Faaola mai le fetaiai ma Lana tofotofoga sili, e tusa lava pe faigata ma le mautonu.

O le meaalofa o le Agaga Paia ma le ola tutoatasi faaleagaga e faaileleina ai le maufetuuna'i faaleagaga, o se upu tutusa ma le tumau.

O le mea-
alofa o le
Agaga Paia
ma le ola
tutoatasi faa-
leagaga e faa-
faileleina ai le
maufetuuna'i
faaleagaga.



Ma o i latou o e, "tumau [i le faatuatua] e oo i le iuga . . . o le a maua le ola e faavavau" (2 Nifae 31:20)

Tau ina ia faamanua i tatou e le Alii i le avea ai ma matua i lo tatou tiute taua o le tausia o fanau maufetuunai faaleatamai, faaletino, faaleagaga, faaagafesootai, ma faalelagona. ■

Mo nisi manatu aoga, taga'i "O Lesona o le Maufetuuna'i mai le Olaga Faatamaitiiti" saunia e Lyle J. Burrup i le Liahona Mati 2013.

FAAMATALAGA

1. O Horst Siebert, o se tagata Siamani e faigaluega i tulaga tau-tamaoaiga, o lo'o laulioa mo le tuufaatasiga o le fuaitau "aafiaga o le gata [cobra effect]," lea e tupu pe afai o se fofo i se faafitau e faatupulaia atili ai le faafitau.
2. Tagai Connie Matthiessen, "Why Are So Many College Students Returning Home?" Jan. 9, 2019, greatschools.org.
3. *Merriam-Webster's Collegiate Dictionary*, 11th ed. (2003), "resilience," merriam-webster.com.
4. Tagai "Master Resilience Training (MRT) in the U.S. Army: PowerPoint & Interview," Positive Psychology Program, positivepsychologyprogram.com.
5. Lyle J. Burrup, "O Lesona o le Maufetuuna'i mai le Olaga Faatamaitiiti," *Liahona*, Mati, 2013, 11.
6. Tagai Meena Azzollini, "Declining Physical Activity Levels in Children and Teens," *WellBeing*, July 10, 2017, wellbeing.com.au.
7. Tagai Rachel Ehmke, "How Using Social Media Affects Teenagers," Child Mind Institute, June 6, 2016, childmind.org.
8. Faataoto mai Aferika.
9. O Scrooge o se tagata agaleaga i le *A Christmas Carol* Charles Dickens.
10. Tagai Helen Keller, *The Story of My Life* (1902).
11. Tagai Lynn G. Robbins, "Seia Fitugafulu ni Fitu," *Liahona*, Me 2018, 22.
12. Tagai i *Aoaoga a Peresitene o le Ekalesia: Wilford Woodruff* (2004), 50.
13. Russell M. Nelson, "Faaaliga mo le Ekalesia, Faaaliga mo o Tatou Olaga," *Liahona*, Me 2018, 95.
14. O nisi taimi e taua ia Polybius po o Sophocles.
15. Tagai *Aoaoga a Peresitene o le Ekalesia: Iosefa Samita* (2007), 284.

O Le Vasega Na Suia Ai O Ma'ua Olaga

Saunia e Michael R. Morris

Mekasini a le Ekalesia

O Chris ma Alfreda Rubio sa ola mai lea totogi i lea totogi seiā oo ina faaali atu ia i la'ua e se vasega o le ola tutoatasi se ala sili atu.

Ina ua leaga le taavale a Chris ma Alfreda Rubio lata mai nei, sa le i popole i laua pe faapefea ona totogi le toe faaleleia. Ae e le i faapea ona o laua e mauoa.

“Sa iai le tupe sa ma manaomia aua sa ma teuina,” o le tala lea a Chris. “Sa lelei mea uma. Sa ma avatu le taavale e fai i lena lava aso e aunoa ma le tau mafaufau, ‘Oi tafefe.’ Sa manaia le faalogona.”

Sa le'i faapena i taimi uma. Ae le i leva tele atu, na semanu e faia se aitalafu a Rubio, faaaoga se kata fai aitalafu, pe faatalitali seiā oo i le isi totogi e ave ai le taavale e fai. Ae o le taimi lena ae la te le i avea le vasega o le alagatupe faaletagata lava ia sa ofoina mai i le polokalama o le ola tutoatasi a le Ekalesia.

“Sa Ma'ua Malelemo Tautupe”

Sa feiloai Chris ma Alfreda ao auaua i laua i le Ea Fosi a Amerika i Siamani ma sa faaipoipo ai i Denmark.

Sa faamaeaina lana galuega i le 2008, ma o faafitauli tau soifua maloloina na faamalosia ai Alfreda e litaea ini nai tausaga mulimuli ane. Sa la'ua mauaina le Ekalesia ae le i umi lava talu ona faamautu i Alabama, USA, ae sa le mafai lava ona maua se galuega a Chris. “A le ua ou ova agavaa pe ua ou le agavaa,” o lana tala lea.

Sa maua se galuega a Alfreda i se faleoloa o sapalai tau ofisa, ae na o le pau lena o le la tupe maua. “Sa ma'ua malelemo tautupe,” o le tala lea a Alfreda.

“Sa tele a ma'ua aitalafu ma pili le totogia, ma sa valaau soo mai tagata ao tupe,” o le faaopoopo lea a Chris. “Sa oo i le tulaga ua amata ona ma faatau ese atu a ma meatotino ina ia totogi ai pili. Sa toe faafoi le ma taavale, ma aveesea le ma fale. Sa matuā leaga lava.”


Ina ua aveesea lo la fale, sa me'i loa le au Rubio i se fale mautotogi i se uarota fou. Sa la le iloaina se isi, ma a o mou

malie atu a la tupe, sa faapena foi lo la auai i le lotu. Ua manatua e Chris o le tele lava o le tulimatai atu i a la tupe, o le itiiti foi lena o le la tulimatai atu i le faatuatua.

“Sa matuā faigofie lava le faapea atu, ‘E le mafai ona ma o i le lotu nei leaga e manaomia ona sue se galuega pe ona o lea ma te popole i pili pe ona o lea e leai se ma tupe mo le penisini,’ ua fai mai ai o ia.

Ina ua latou talatalanoa ma lo laua epikopo fou e uiga i lo la tulaga tau-tupe, sa ia ta'u mai ia i laua e uiga i le vasega O Alagatupe Faaletagata Lava Ia mo le Ola Tutoatasi lea sa toetoe lava amata i le latou falesa, o loo i fafo teisi atu lava o Montgomery, Alabama.

“Sa ma ola ae uma i ni aiga e le matua tagolima,” o le tala lea a Chris. “Se le tele lava ni a matou meatotino, o le mea lea ma te le i matuā aoaoina le faasoasoa tatau ma le teuina o tupe. Sa ma ola ai mai i lea totogi i lea totogi.



O le tele o taimi, e uma lava le siaki i le uma ai o nai aso e lua ma ma ola ai mo taimi uumi e aunoa ma se tupe. Ona ma faapea loa lea, "Ia, ta o e ave le vasega. Afai o le a fesoasoani ia i taua i soo se auala, ta te mananao e faia."

"Na Suia Ai O Ma Manatu"

A o faagasolo le la vasega o alagatupe faaletagata lava ia, sa aoaoina e le au Rubio ma isi aiga e toatolu le auala e faatupu ai ma pipii mau i se paketi. Sa latou aoao e uiga i aitalafu ma le auala e faafoia ai. Sa latou aoao i auala e puipuia ai o latou aiga mai faigata tautupe. Sa latou aoao foi e uiga i le taua o le vaega a le sefuluiai totonus o le ola tutoatasi tautupe.

"Sa suia ai le faagasologa faalemafaufau atoa lava," o le tala lea a Chris. "Sa ma aoao e mataituna e le gata i ma tupe maua ma tupe faaalu ae faapea foi le ma teugatupe, o se mea e le i i ai i lena taimi. O le mea moni, sa matuā leai lava se mafaufau o le a i ai se ma teugatupe."

Sa faapitoa lava ona faafafiaina le au Rubio i le natura fefautuaai o le vasega, lea sa fefaasoai ai e tagata o le vasega manatu, tulaga faamanuiaina, ma tulaga le faamanuiaina. O le latou

usoga sa faamalosia lo laua faatuatua ma a laua taumafaiga ina ia ola tutoatasi faaletupe, ma sa mafai foi ona ofo mai e le taitai o le vasega se galuega ia Chris.

"E faia se eseesega pe a e feiloai atu i isi tagata o loo i le tulaga lava e tasi," fai mai ai Chris. "E te iloa ai e le na o oe ma o loo tatou taumafai uma lava e faamalieina mea uma ma atinae tomai e avea ai ma tagata ola tutoatasi ina ia mafai ona faaleleia atili ai mea uma mo a tatou fanau."

"O Se Faigamalaga Ofoofogia"

A o laua faaaogaina mataupu faavae tautupe sa laua aoaoina, sa faaleleia atili lo la tulaga tautupe.

"Ma te le i oo i le tulaga e faapea ai ua ma mauoa pe ua le toe i ai lava ni popolega tautupe, ae ua matua faigofie lava i le taimi lenei le taulimaina o ma valaauga ma o i le lotu e aunoa ma le popole i tupe," o le tala lea a Chris. "Ua matuā suia lava faaleagaga i maua e le vasega."

Ua faaopoopo mai Alfreda: "O le vasega sa fesootai tonu lava ma le malosi sili atu ua oo i ai lo ma faatuatua. Sa amata ona ma tatalo atili ma faitau atili foi tusitusiga paia. Sa ma lagonaina o mataupu

faavae tautupe ma mataupu faavae faaleagaga o le vasega sa o gatasi lelei."

E faatusaina e Chris na mataupu faavae i se pea mata tioata ia ua fesoasoani ia te ia ma Alfreda e maua ma tumau ai i se auala i le ola tutoatasi faaleagaga ma le faaletupe.

"E aunoa ma le vasega ma aunoa ma aoaoina o mea uma sa ma aoaoina, semanu ma te le i ai i le tulaga ua ma i ai nei—faaletupe pe faaleagaga," ua ia fai mai ai. "Ua avea o se faigamalaga ofoofogia. Ua ma aoaoina e te le manaomia le tele o tupe e te mauoa ai. Ua ma mauoa lava faaleagaga." ■

O Chris Rubio, o se vali fale, ua taunuui mai mo le galuega ma lana ava, o Alfreda.



UA FOFOGAINA MAI
MALUMALU FOUE 8

"O NAI FAATINOGA ITI O LE **FAATUATUA** E MANAOMIA
E **MAUA AI FOLAFOLAGA A LE ATUA.**"

Elder Dale G. Renlund o le Korama a Apostolo e Toasefululua, "E Tele Mea e Manuia ai," *Liahona*, Me 2019, 71; faaopoopo le faamamafa.

TOE SAILI LE
MALAMALAMA

Na tuuina mai e Sister Sharon Eubank ni fautuaga se lima mo le taimi "e te lagona ai ua mu itiiti le sulu o lau molimau ma ua oo mai le pogisa":

1. Ia e lototeli.
2. Tausi au folafolaga i le Atua.
3. Fai atu au fesili.
4. Ia liliu ma le onosai le maa i le tioata.
5. Liliu atu ia lesu Keriso, o lē e alofa peia ia te oe.

Tagai i le "O Keriso: O Le Malamalama e Susulu i le Pogisa," *Liahona*, Me 2019, 75.

MALUTAGA E FAATOTONUGALEMU I LE AIGA,
LAGOLAGOINA E LE EKALESIA

Ole toatele o o tatou taitai na saunoa mai e uiga i le faamalosia o o tatou aiga, aemaise le faamamafa fou o le suesueina o le talalelei e faatotonugalemu i le aiga ma lagolagoina e le Ekalesia. E mafai ona e aoao atili e uiga i le:

- Valaaulaina soo atili o le Agaga i totonu o lou aiga (tagai i le Henry B. Eyring, "O



Se Aiga e Afio ai le Agaga o le Alii," *Liahona*, Me 2019, 22).

- Faia o lou aiga ma nofoaga autu tupiito mo le aoaoina o faifeatalai, nofoaga autu mo talafasolopito o aiga, ma vasega sauniuni mo le malumalu (tagai ia David A. Bednar, "Saunia e Maua Mea Manaomia Uma," *Liahona*, Me 2019, 101)
- Faaaogaina o mataupu aoaoina ma le taimi fatastai ai ma lou aiga e fesoasoani e "faalolotoina [ai] lo tatou liua ma fesoasoani ai ia te i tatou ia avea atili e faapei o lesu Keriso" (tagai Ronald A. Rasband, "Fausia se 'Olo o le Faaleagaga ma le Puipuiga," *Liahona*, Me 2019, 108).

LAULAU ATU [SAUNOAGA] O LE KONAFESI AOAO MO LE AFIAFI FAALEAIGA

Ou te maua pea le lagona e tatau ona ou taumafai e faaaoga saunoaga o le konafesi mo lesona o afiafi faaleaiga. I le taimi muamua sa ou teenaina. E laiti la'u fanau, e faigata lauga mo i latou e malamalama ai, ma ou te le o mautinoa pe i ai ni autu e faigofie mo tamaiti. Ae ou te iloa e tatau lava ona ou taumafai e fai.

O le faaaogaina o saunoaga o le konafesi aoao e le gata ina liua atoa ai a

matou afiafi faaleaiga mo la'u fanau, ae na matou faia ai ni talanoaga maoae i le talalelei. I le milo faatasi ai ma le tele o faafitauli, sa i ai nai taimi faavavega o fiafiaga faaleaiga.

Jessie Christensen, Iuta, ISA



E mafai ona e faasoa mai lou aafiaga o le konafesi aoao e ala i le auina mai i le liahona.ChurchofJesusChrist.org po o luga o le facebook.com/liahona.



FALE, O SE NOFOAGA FAALELAGI

"Matou te faamoemoe ma tatalo o le a avea fale o tagata taitoatas o le ekalesia **ma se malutaga moni o le faatuatua, lea e mafai ona afio ai le Agaga o le Alii.** E ui i finauga o loo siomia ai i tatou, e mafai lava ona avea le fale o sē tasi ma se nofoaga faaleagaga, se nofoaga o suesuega, tatalo, ma le faatuatua e mafai ona tuufaatasia ai ma le alofa."

Peresitene Russell M. Nelson, "Malelega Faaiu," *Liahona*, Me 2019, 111; faaopo-opo le faamamafa.

Olenei ato ua
femalagaai-tele
ua avea o se vaega o
se aganuu faaleaiga
o auauaunaga
faafaifeautalai lea
ou te faamoemoe
o le a le mou
atu lava.



O Se Ato Tagamea o le Alofa

O la'u faaiuga e avea o se tagata o le Au Paia o Aso e Gata Ai sa faigata tele ona talia e lo'u aiga. A o ou faasilasila atu o le a ou auaua atu o se faifeautalai faamisiona e aunoa ma se totogi, e le o tagata uma sa malamalamama pe faapefea pe aisea foi o le a ou manao ai e faia lena mea. Sa mananao o'u matua e fiafia faatasi ma a'u i lo'u finafinau, ae sa faigata tele ia i laua le vaai mai ua ou "tuuesea" le lotu sa la tausia mai ai a'u.

Ina ua ou mauaina lo'u valaauga i le Misiona a Honduras Tegucigalpa, sa aofia mai ai i le teutusi se lisi o mea sa manaomia ona ou aumaia. Sa maitau mai e lo'u tina o se tasi o ia aitema i luga o la'u lisi o se ato tagamea. Ia o se mea lena sa mafai ona ia malamalamama ai! Sa vave lava ona ia faatau mai se ie mafiasia lanumoana ma su'ilima ai se ato tagamea faigofie, aogā sa faia ma le

alofo. O se meaalofa o le a faaauau pea lava pea ona foai mai.

O lena ato tagamea sa ma o faatasi i le fale tutotonu e aoao ai faifeautalai ma oo atu ai i Honduras. Sa malaga ma a'u mai le tasi tamai nuu i le isi, ma faasolosolo lava ina tuai ma matafi mai le lanumoana malosi i le lanumoana vaivai, e pei o se ofuvae e avea ma mea e sili ona fiafia i ai ma ofi-lelei. I le faaiuga o la'u misiona, sa ou foai atu le tele o o'u lavalava i se aiga faapitoa sa matua ou alofa i ai, ae sa ou taofia lava le ato tagamea. Sa faia e lo'u tina mo a'u e ui lava na te le i malamalamama i le taua o se misiona.

Toeitiiti lava 30 tausaga mulimuli ane, ua maua le valaa a le ma atlai matua i le Misiona a California Carlsbad, faatasi ai ma se lisi o aitema na te manaomia. Sa ma faitauina faatasi, ma ina ua oo atu i le "ato

tagamea," sa ma toe aumaia le ato sa faia e lo'u tima mo a'u. E ui lava e oo atu i le taimi lena ua sili atu ona matafi, ae na alu lava i Kalefonia.

I ni nai tausaga mulimuli ane, sa valaauiua lo'u afafine e auaua i le Misiona a Ohio Cleveland, ma sa malaga foi o ia ma le ato iina. Ina ua foi mai o ia, sa ia aumaia i le fale ua faateleina le tuai ae sa aunoa lava ma ni masaesae tele.

O lenei ato ua faamanatu maia ia te a'u o nisi mea, e pei o lesona e aoaoina mai le auaua ai i se misiona ma mai i le faaali atu o le alofa mo isi—e pei ona faia e lo'u tina mo a'u—e mafai ona faamanuiaina pea lava pea i tatou. Ua avea ai ma vaega o se aganuu faaleaiga o auauaunaga faafaifeautalai lea ou te faamoemoe o le a le mou atu lava. ■

Brian C. Heckert, Utah, USA

Samaria i le Eleveita

Ina ua tuu e se aiga i totonu o la'u uarota ata i luga o le Facebook e uiga i la latou aafiaga i le mau ai i totonu o se lifi mo le lua itula, sa le mafai ona ou fesoottai malamalamai i ai. O le mea lena sa i ai, seja oo ina ou mau foi a'u i se lifi.

Sa ou tuua la'u telefonu i le pale, o lea la sa ou tatu'i ai faitotoa o le lifi ma tauvalaau atu mo se fesoasoani. Sa ou tatalo foi. E lei umi, ae lagona mai a'u e ni alii talavou ma-e pei o ni Samaria agalelei—sa valaau atu mo auaunaga faafuasei. Ona latou fai mai lea latou te nonofo i le pale mautotogi numera 38 ma tala ula mai a faasaolotoina a'u, e mafai ona ou aumaia se meaai i lo latou pale e fai atu ai sa'u faafetai.

Sa o ese i latou, ma sa matua faigata ona ou toofilemu. E faapefea pe afai e le i taunu mai le vaega o faalavelave faafuasei? Sa ou tatalo atili. Sa ou iloa o le a vave ona foi atu lo'u toalua i le pale mai le galuega ma o le a le iloa e ia le mea sa ou i ai.

Na toe amata ona ou tatu'i faitotoa. I le va o le tamai avanoa i faitotoa o le lifi, sa mafai ona ou iloa atu ai tagata o loo savali ane. Sa ou valaau atu ia i latou ma talosaga atu pe mafai ona latou valaau atu i lo'u toalua e ta'u atu ia te ia le tulaga o i ai a'u. Sa latou faia, ma sa mafai ai ona ou toofilemu. Ua iloa nei e lo'u toalua, ma o le a



ia faamautinoa o le a ou le mau ai pe aina.

Sa ou nofo i totonu o le lifi pe tusa mo se itula. Mulimuli ane, sa oo mai se tagata faigaluega ma faasaolotoina a'u. Fai mai o ia sa mau le lifi, o lea sa tatau ai ia te ia ona a'e mai i luga o maea o le lifi ma toe faaola le lifi. Sa ou faafetai atu ia te ia mo lana fesoasoani.

Mulimuli ane i lena aso, sa ou alu ma faafetai i o'u tuaoi i le pale 38. Sa ou avatu se mea sa kukaina i le pale. Fai mai i latou sa latou tala ula mai e uiga i le meaai, ae sa ou fiafia e faafetai ia i latou. A o ou toe tomanatu i lenei aafiaga, ua ou iloa nei le mea sa oo i ai le aiga mai i la'u uarota, ma sa ou faafetai i tagata o e na le savavali pea ma faapasi a'u ae sa taofi ma fesoasoani mai.

Atonu latou te le iloaina, ae sa mulimuli i latou i le faataitaiga a le Faaola. Na ia le faapasi i tatou pe tuua foi i tatou. Sa Ia tuuina atu lona soifua ina ia mafai e i tatou ona faasaoina mai le otiafaletino ma le faaleagaga. Ona o lenei mea, o le a ou taumafai e mulimuli i Ana faataitaiga ma ou le savali pea ae faapasi se tasi o puapuaga. Ou te faafetai molenei aafiaga ua aumaia ia te a'u se talisapaia sili atu ou te le i mafaufauna mo Ia ma mo Ana faamanuiaga. ■

Katerina Tyltina, Kyiv, Ukraine

Sa ou mau i se lifi e aunoa ma se telefonu feaveai. Sa ou tatu'i le faitotoa ma tauvalaau mo se fesoasoani. Sa ou tatalo foi.

Mai i se Faalavelave i se Faigauo

I se tasi Aso Sa a o faia le sauniga faamnatuga, sa ou lagonaina ai se mea sa faalavelavea ai a'u. Ou te le iloaina po o le a, ae sa le mafai ona alu ese le lagona. Sa ou vaavaai ma le le mautonu i le uati ma manao ia uma ia le sauniga. O se mea ou te le masani ai.

Ina ua uma le tatalo faaiu, sa iai pea lea lagona. Sa ou vaavaai faavave solo i le falesa ma ou iloa ai se tamaloa o loo uu lona fatafata. Sa ou alu atu ia te ia, ma sa ia talosaga mai pe mafai ona ou aveina o ia i le fale o le nofoaafi. Sa ou fai atu ia te ia e nai lo lena e tatau ona ou aveina o ia i le potu o faalavelave faafuasei. Sa ia fai mai sa iai lana fualaau i le fale e mafai ona fesoasoani ia te ia. Sa ou fai atu o le a ou aveina o ia i le fale aua o le alu i le nofoaafi i le tulaga o i ai o ia e le o se tulaga saogalemu.

Sa ou fesoasoani ia te ia i la'u taavale ma ou toe fesili atu pe tatau ona ave o ia i le fomai. Sa fai mai o ia e le manaomia lena tulaga ae e mafai ona ou alu atu i lona fale. Sa ou tatalo lemu, ma talosaga atu i lo'u Tama i le Lagi e fesoasoani ia te ia ina ia lelei mea uma ma fesoasoani mai ia te a'u e ave saogalemu o ia i le fale. Sa ou aveina le taavale ma le faaeteete, tatala faamalama o le taavale, ma taumafai e faafilemu ia te ia. Ina ua mavae sina taimi, sa taoto o ia agai i tua i lona nofoa ma amata lemu ona to'a.

Ina ua ma taunuut atu i lona fale, sa ia valaaulia au i totonus. Sa ou fiafia aua sa ou manao e faamautinoa sa ia maua lana fualaau ma sa aogā. Sa inu lana fualaau ma amata ai ona lelei lana faalogo. Fai mai o ia sa tiga pea lona fatafata ae ua lagona e ia le saogalemu i le fale.

Sa ia valaaulia a'u ou te nofo mo le taumafataga o le afiafi, ma talu mai lena


aoauli, ua avea lava i maua o ni uo lelei. E masani ona ma o e tafafao faatasi ma fesoasoani le tasi i le isi. I luma atu o lenei aafiaga, sa tele ni a'u uo e le o ni uunaiga lelei ia te a'u. Ae o le ma faigauo ma lenei alii ua faamanuiaina ai lo'u olaga.

O nisi taimi mai se faalavelave faafusei, e tulai mai ai se faigauo maoae. Pe ana faapea sa na ona ou tuuina lava o ia i le nofoaafi, ou te tuufesili pe faamata e oo saogalemu o ia i le fale. Semanu ou

te le mafai ona ou faamagaloina a'u lava pe ana faapea e iai se mea e tupu ia te ia. Ou te faafetai i lo'u Tama i le Lagi sa taitaiina a'u e le Agaga Paia i lenei mea ma, i le faagasologa o le mea na tupu, sa mafai ona ou maua ai se uo moni ma pele! ■

Rolf Schweizer, St. Gallen, Switzerland

Sa ou vaavaai faavave solo i le falesa ma ou iloa ai se tamaloa o loo uu lona fatafata. Sa ou alu atu ia te ia, ma sa ia talosaga mai ia te a'u e ave o ia i le fale o le nofoaafi.



O le Leo Suamalie o le Talafaasolopito o Aiga

Se asiasiga i lo'u afafine i Kenitaki, ISA, sa ou mauaina ai se laau fai musika tuai faaA-paleisia e ta'ua o le mountain dulcimer (e pei o se kitara taatia). Sa ou aoaoina nisi o a'u fanau a fanau e taina musika ma iloa ai le faigofie ona aoao e ta pese faigofie i luga o le dulcimer mauga. O lenei laau fai uaua e mafai ona faatu i soo se mea ma teu faigofie, e mafai ona fai ai musika malie faaleaiga a o nofonofa faataamilo i le afi tolauapi po o le fale.

I se tasi aoauli sa ma o mai ma lo'u afafine e vaai pe mafai ona ma mauaina se tasi e iloa fau dulcimers. Sa ma mauaina se tagata matua lava lea sa nofo i se tamai fale i se aualā tua. Sa ia fausia-in dulcimer mauga ma sa iai le kitara taatia e talafeagai lelei mo a'u.


I le faasologa o nai tausaga sosoo ai, sa ou aoao ai e taina ma aoao atu foi nisi o fanau o a'u fanau e taina foi. Sa ou manao e tuuina atu i a'u fanau o fanau taitoatas se dulcimer, ae o le faatau o le 17 e matuā taugata lava. O lea sa tonu ai ia te a'u o le a ou fausiaina lava e a'u.

Sa amata e ala i le suesueina o le talafaa-solopito o lenei laau fai musika faapitoa lava

i Amerika. Sa ou iloa ai o se laau e tai tutusa ma le dulcimer, e ta'ua o le scheitholt, sa atonu na aumaia i le Iunaite Sitete i le 1700 e tagata malaga mai Siamani poo Scandinavia. E tusa o le taimi lava lea e tasi, sa taina ai foi e tagata Scotch-Irish ia le scheitholt. A o faagasolo pea le taimi, sa amata ona fausia e tagata isi kopi ua suia o le scheitholt, lea na iu lava ina avea ma dulcimer mauga. Sa ou iloa ai foi o le igoa dulcimer e mafua mai i le faaLatina *dolce melos*, po o le "leo suamalie."

Vaai la i lo'u faate'ia ina ua mulimuli ane, a o ou saunia tala faatalafaasolopito o aiga, sa ou iloa ai o nisi o tuua o lo'u tina e matele lava i Siamani ma tuua o lo'u tamā e Scotch-Irish sa latou taina le dulcimer mauga! Sa ou matuā maofa faapea, i le tele o tupulaga mulimuli ane, sa ou mauaina lea laau fai musika ma aoao ai fanau o a'u fanau e taina! Oka se matagofie o le sootaga faalemusika i le va o a'u ma o'u tuua ma tupuaga! Ou te faafetai mo le galuega o le talafaasolopito o aiga, lea ua fesoasoani ia te a'u e talisapaia o'u tuua ma lagona se sootaga ma i latou e ala i se leo suamalie o le dulcimer mauga. ■

Gary McCallister, Colorado, USA



*O le dulcimer
mauga o se
sootaga matagofie
faamusika i le va o
a'u ma o'u tuua ma
tupuaga.*





**Saunia e
Peresitene
M. Russell
Ballard**

Sui Peresitene
o le Korama a
Apostolo e
Toasfululua

O se Tusi mai se Aposetolo

Ou te sii ae lo'u leo e lapatai
outou ona o nisi o luitau ua
tatou faafeagai i le asō.

Sa tumau fesootaiga a le Aposetolo o Paulo ma le Au Paia anamua e ala i tusi ia sa ia auina atu i lalā esece e faailoa atu i ai lona alofa, taitaiga, ma aoaoga. Talu ai ona e le mafai ona ou feiloaitino ia te outou uma, o le a ou tuuina atu i upu ia te outou la'u lava tusi e faailoa atu ai lo'u alofa, faafetai, ma aoaoga.

I le Au Paia i Korinito, sa tusi atu Paulo, “O Paulo na valaauna i le finagalo o le Atua e fai ma aposetolo a Iesu Keriso” (1 Korinito1:1).

Ua valaauna foi a'u o se Aposetolo a Iesu Keriso, ma i le avea ai ma molimau faapitoa o le Alii, ou te molimau atu, e pei ona faia e Paulo i ana tusi, sa tuuina mai e Iesu Keriso Ia lava mo i tatou ma sa toe faatuina mai o Ia e le Tama mai le oti (tagai i le Kalatia 1:1, 4). Ou te molimau atu foi sa toe fuataiina e Iesu Keriso Lana Ekalesia e ala i le Perofeta o Iosefa Samita i nei aso e gata ai ma o le atoatoaga o le talalelei ma faamaniuga e fesootai ma feagaiga e faavavau o loo avanoa mo tagata uma o e talitonu ma mulimuli i le Alii o Iesu Keriso.

E faafeiloi atu ai ia te outou, ou te faaaogaina upu a Paulo: “I le ekalesia a le Atua . . . , o e ua faapaiaina ia Keriso Iesu, ua valaauna e fai ma tagata paia, . . . Ia ia te outou le alofa tunoa ma le manuia mai le Atua lo tatou Tamā, ma le Alii o Iesu Keriso” (1 Korinito 1:2–3).

O'u uso ma tuafafine, ina ia tausia o tatou loto faaletalalelei ia maloloina, tatou te manaomia on siaki soo i tatou. A o ou tatalo atu mo le fesoasoani a le lagi, ua ou maua ni fautuaga mo outou o le a fesoasoani e faatumauina lo outou maloloina ma le malolosi faaleagaga.

Sa lapataia e Paulo le Au Paia i ona lava aso e uiga i faigata faaleagaga sa latou faafeagai. I le au Kalatia sa ia tusi atu:

“Ou te ofo ina ua faapea ona vave liliueseina o outou i le na valaauna outou i le alofa tunoa o Keriso a e faasaga i le tala lelei e ese:



“E le se tasi tala lelei foi lea, a o isi tagata ua faaatuatuvalo ia te outou, ma fia faaliliuiseina le tala lelei a Keriso.

“A e peitai e ui lava ina tala’iina e i matou, po o se agelu mai le lagi, ia te outou se tala lelei e ese i lea na tala’iina atu ai e i matou ia te outou, ia anatema ia” (Kalatia 1:6–8).

Ou te sii a’e foi lo’u leo e pei ona faia e Paulo, o loo i ai i latou “ua faaatuatuvalo ia te outou, ma fia faaliliuiseina le tala lelei a Keriso.” O le a ou faatamala i lo’u tiute pe afai

O tagata taitoatasi o e e lē tumau i le tulimatai i aoaoga faavae ma le talalelei faigofie a Iesu Keriso e iu lava ina faalogo i faiaoga pepelo ma perofeta e tofi lava e i latou latou ma talitonu i talitonuga o le lalolagi.



ou te le sii a’e lo’u leo e lapatai ia te outou e uiga i luitau ua tatou feagai i le asō.

O Mana e Lua i le Atulaaulau

O’u uso e ma tuafafine, aua lava nei galo o loo i ai mana e lua i le atulaaulau: o le tasi e valaaulia i tatou e filifili le mea sa’o ma maua le olioli ma le fiafia, ma o le isi e valaaulia ia tatou e filifili le faafeagai, ma aumaia ai le faanoanoa ma le le mautonu i le mea sa fai pe lei faia. O loo aoao mai i tatou e la tatou aoaoga faavae faapea o le olaga o se iloiloga—o se taimi e vaai ai poo le fea le valaaulia o le a tatou taliaina.

Ou te faamanatu atu ia te outou le valoaga a Iesu e faatatau i aso gataaga lea ua tatou ola ai nei: “Auā e tutū mai Keriso pepelo, ma perofeta pepelo, latou te faia foi faailoga tetele ma vavega, ina ia faasese ai i e ua filifilia lava, pe afai e mafai ai” (Mataio 24:24). Ua tatou faanoanoa lava pe a tatou molimaunina nisi o “e ua filifilia lava” ua faaseseina, e pei ona lapatai mai ai Iesu.

Lata mai nei lava sa ou asiasi ai i se togalaua ititi o laau o le sekoia sa totoina i le tele o

tausaga talu ai i le lotoa o le Iunivesite o Polika Iaga. Sa faamalamalama mai ia te a’u e sa’u ue faapea o sekoia o laau aupito sili ona tetele i le lalolagi atoa ma e mafai ona tupu i le umi o le 286 futu (87 m) i le togavao. E mafai ona ola i latou ia sili atu nai lo le 3,000 tausaga.

Sa mate se tasi o laau ma manaomia ai ona taina i lalo, ae tuu ai na o se pogati e faamanatu mai ai i soo se tasi e pasi ane o se laau umi ma le maoae sa tu ai iina. Sa manao le fomai laau o le lotoa e fia iloa poo le a le mea na tapēina le laau, aua e mautinoa lava e le i mate le sekoia ona ua matua ona tausaga. Ina ua maea se suesuega, na ia faai ai o aa e fafagaina le laau sa mamate i le leai o se vai.

E faapefea ona tupu lena mea talu ai o lea sa tupu lauusiusi le laau iina mo le sili atu nai lo le limasefulu tausaga? Sa iloa ai e le fomai laau o maa e umia le vai lea e fafagaina le tamai togalaua sa siitia ese ona o se taunuuga e le i fuafuaina i le fausiaina o se fale fou, i le itu i sasae o le togalaua.

O se faatusatusaga matuā atoatoa lenei ia te a’u e faatatau i le mea e tupu i tagata sili ona malolosi o le Ekalesia—o “e ua filifilia,” i latou o e i foliga faaalia uma e foliga mai o loo tutū maualuluga ma sasa’o i le faatuatua—e oti faaleagaga.

E pei o le sekoia ua mate, o nei tagata o le Ekalesia sa i ai se taimi sa maua ai lo latou malosiaga faaleagaga mai le puna o le vai ola sa ofoina mai e Iesu Keriso. Ae peitai poo se tasi mafuaaga po o seisi, ua latou siitia ese ai mai i le faapogai autu o le malosiaga faaleagaga, ma e aunoa ma lena malosiaga sa galala o latou agaga, ma iu lava ina oti ai faaleagaga.

E mafai faapefea ona tatou faamautinoa o loo fesoottai i taimi uma o tatou a’u e fafagaina faaleagaga i tatou i le puna o le vai ola?

Amio Masani Manaomia

Sa faataatia mai e le Alii amio masani faaletagata lava ia faigofie ia e mafai ona tatou mauaa, tumau, ma fesoottai ai ia te Ia. O nei amio masani, pe a faia ma le faamoemoe atoatoa o le loto, faamoemoe moni, e aunoa ma le pepelo ma le faa’ole’ole, e faatagaina i tatou e fai ma sooo e le maluelue o le Alii o Iesu Keriso.


O nei amio masani manaomia e aofia ai mea ia e foliga e faafaigofie ona masee ese atu i le faanatinati o o tatou olaga pisi, e oo lava pe a tatou auai i mea lelei e pei o le faaaauauina o aoaoga, galue e lagolago i se aiga, ma le auai i auaunaga faalenuu ma le Ekalesia.

O na mea e aofia ai le tatalo faamaoni i aso uma, anapogi ma le faatuatua, suesueina ma le mafaufau loloto e le aunoa i tusitusiga paia ma upu a perofeta soifua, faia o le aso Sapati ma se aso fiafia, ai ma inu i le faamanatuga ma le lotomaualalo ma manatua pea le Faaola, tapuai i le malumalu i le tele e mafai ai, ma, mulimuli, aapa atu i e ua le tagolima, matitiva, ma ua tuuatoatsasi—ia i latou uma o e latalata ane ma i le salafa o le lalolagi.

A tuua e se tasi le faia o nei mea faigofie ae matuā taua, ua latou vavaeeseina i latou lava mai le puna o le vai ola ma faatagaina Satani e faaeleleia o latou manatu i lana vai eleeleia taufaasese, lea e tapumia alatoto o le faatuatua ma faavaivaia le agaga i meaai taufaasese. O le agasala ma le nofosala e faanefuia le mafaufau—ma taitaia le toatele e faafitia musumusuga ma faaaliga ua mavae ma faatupuina ai se “toe-liliuese” mai i upumoni o le talalelei a Iesu Keriso.

O le mea e tasi e oo mai pea lava pea i lo’u mafaufau o le iloa lea o tagata taitoatasoi e e le tumau i le tulimatai i aoaoga faavae ma le talalelei faigofie a Iesu Keriso e iu lava ina faalogo i fiaoga pepelo ma perofeta e tofi lava e i latou latou ma talitonu i talitonuga o le lalolagi. O nei leo eseese e aofia ai:

- O le faaososoga o le tamaoaiga e faatupu ai le faamaualuga.
- O le pulea e le manao o mea manaomia, lea e faateleina ai aitalafu faaletagata lava ia.
- Taalogia ma faafiafiaga ia e mafai ona aveesea mai le lelei atoatoa o le talalelei.
- Gaoioiga e taofia i tatou mai le faamamaluin o le aso Sapati.
- O faasalalauga ma upega tafailagi ia e faatupuina fesili ma masalosaloga e aunoa ma le lava o le faamaoni faalecatamai e faailoa tonu ma faamaoni ai le finagalo o le Alii.



Fesoasoani i Isi ia Maua Tali

Se’i ou faamautino ua e malamalamia i lenei mataupu taua. E matuā leai leai lava se mea e sese ai le faia o fesili pe suesueina lo tatou talafaasolopito, aoaoga faavae ma faiga masani. Sa amataina le Toefuataiga ina ua saili e Iosefa Samita se tali i sana fesili faamaoni.

O matua, taitai o ausilali, fiaoga o le Eklesia (aofia ai fiaoga o le seminare ma le inisitituti), epikopo ma peresitene o siteki: A sau se tasi ia te oe ma se fesili po o se popolega, faamolemole aua le na ona faapasi ese o le fesili. Aua le fai atu ia te ia e aua le popole i le fesili. Faamolemole aua le masalosalo i le tuuto o le tagata i le Alii ma Lana galuega. Nai lo lena, fesoasoani i le tagata e maua tali i fesili.

Ou te popole pe a ou faaologo e uiga i tagata faamaoni o loo faia fesili faamaoni e uiga i lo tatou talafaasolopito, aoaoga faavae, ma faiga masani ona faia lea o i latou e pei i latou o ni tagata le faatuatua. E le o le ala lenei a le Alii. E pei ona fai mai Peteru, “Ia saunia pea lava outou e tali atu ia i latou uma o e fesili mai ia te outou i le uiga o le faamoemoe o loo ia te outou” (1 Peteru 3:15).

Ua tatau ona lelei tele atu lo tatou faia o tali i fesili faamaoni. E ui lava atonu e le mafai ona tatou talia fesili uma e uiga i le atulaulau pe e uiga i lo tatou talafaasolopito, aoaoga faavae, ma faiga masani, e mafai ona tatou tuuina atu le tele o tali ia i latou o e faamaoni. Pe a tatou le iloa le tali, e mafai ona tatou sailia faatasi tali—o se sailiiliga fai faatasi e mafai ona aumaia vavalalata atili i tatou o le tasi i le isi ma vavalalata atili foi i le Atua. E moni, atonu e le mafai i taimi uma ona tatou maua tali faamalieina ia tatou fesili. I taimi faapena, e lelei le manatua pea o loo i ai lava se nofoaga i le lotu mo le faatuatua. I nisi taimi e mafai ona tatou aoao ma suesue ma iloa, ma i nisi taimi e ao ona tatou talitonu ma faatuatua ina ma faamoemoe.

Fesoasoani ia i latou e i ai fesili ia iloa e le manaomia e le Alii Lana Au Paia ia i ai ni tikeri maualuluga i le talafaasolopito po o aoaoga faavae. O le mea lea, e le tatau ai ona tatou manatu o le a i ai tali uma i matua, taitai, ma fiaoga mo fesili taitasi. E oo lava i totonus o le Au Peresitene Sili ma le Korama a Aposetolo e Toasefululua, e i ai i latou o e matuā escese lava o



latou talaaga ma aoaoga lea e aumaia ai se faa-soaga o aafiaga e matuā lautele ma eseese i taimi o a matou talanoaga ma feutanaiga.

A i ai sa'u fesili e le mafai ona ou talia, e masani ona ou liliu atu ia i latou o e mafai ona fesoasoani mai ia te a'u. Ua faamanuiaina le Ekalesia i le i ai o tagata atamamai ma i latou o e ua tuuto atu i se olaga o suesuega, o e ua oo ina iloa lelei lo tatou talafaasolopito faapea tusitusiga paia. O nei alii ma tamaitai magafagafa ua saunia

latou tuaoi. Ua tatou faia se mea sese ogaoga pe a tatou faatususa o tatou olaga ia i latou o e e i ai le oa tele, ma galo ai o le toatele lava o i tatou ua uma lava ona faamanuiaina i tatou i le fanua. Faamolemole ia faamalieina ma fafia i faamanuiaga ua uma ona outou mauaina nai lo le avea ma pologa i le faaaogaina sese o le aitalafu faaletagata faatau. Aua, aua lava nei lē totogiina lau sefuluai, ma ia ofoina atu ni taulaga limafoai e fesoasoani i e matitiva.

Afai o le a outou mafaufau ma le faaeteete i apoapoaiga faaperofeta, o le a outou maua o outou a'a e faafaga-in faaleagaga [outou] o loo fesootai atu i le "vaipuna, e puna i luga i le ola e faavavau" (Ioane 4:14).



le talaaga ma le talafaasolopito ina ia mafai ai ona tatou malamalama lelei i lo tatou taimi paia ua tuanai ma a tatou faiga masani o le taimi nei. I lo'u faamanuiaina ai i nei faamatalaga ua latou saunia, ua sili atu ai lo'u saunia e saili i le taitaiga a le Agaga Paia.

Ua tuutō atu le Ekalesia i mea manino ma ua lomiaina ai ni punaoa taua e aumai ai manatu fou ma aumaia foi talaaga faaopoopo atili mai i le tala o le Toefuataiga e ala mai i le upega tafailagi a Joseph Smith Papers ma tusitusiga i Gospel Topics i le ChurchofJesusChrist.org. O se taimi ofoofogia lenei e suesue ai le tala-faasolopito ma aoaoga faavae, a ua i ai le tele o punaoa ma tagata atamamai ua saunia talaaga aogā ma malamalamaaga o lo tatou taimi ua tuanai. Ia tatalo faifaipea ma mulimuli i musumusuga a le Agaga Paia, o lē faaalia mai upu moni faaleagaga.

Ola i Mea ua e Mauaina

O loo ou popole o loo i ai nisi o tagata o le Ekalesia o loo ola i tua atu o le mea latou te maua a o latou taumafai e ola tutusa ma o

Fifia Le Tasi I Le Isi

O nisi o outou atonu ua ova faapolokalamaina i le tele o gaoioiga, e aofia ai gaoioiga lelei. Faamolemole e faaeteete ia aua le ova faapolokalamaina a outou fanau. Tapē faasalalauga faaleagafesootai ma isi mea faalavelave mai fafo mai i lea taimi i lea taimi ina ia outounofono ai ma talatalanoa ma fafia le tasi i le isi E pei ona ou aoao atu i se taimi lata mai i le konafesi aoao, ia faifaipea aufono faaleaiga (tagai i le "Aufono Faaleaiga," *Liahona*, Me 2016, 63–65).

Ia manatua, sa fautua mai i tatou e le Alii e "ina soia, ma ia outou iloa o a'u lava o le Atua" (Salamo 46:10; tagai foi i le Mataupu Faavae ma Feagaiga 101:16).

Ina ia faatumauina le pisi o tagata o le aiga ma toesea ai mai mea sili atu ona taua, e i ai lava se tagata i taimi uma o loo faatupuina se mea fou—o se polokalama poo se taalogia fou, mo se faataitaiga, lea e faaosofia ai tagata talavou e tilotilo i lalo ia latou telefonu nai lo le tilotilo i luga e vaavaai i foafoaga matagofie o le lalolagi ofoofogia a le Atua poo se tasi foi atonu latou te mananao e feiloi, tafafao, pe faaipoipo i ai ma se e mafai ona la faia se sootaga faalelalolagi-moni lea e taunu i faamanuiaga e faavavau.

Alofa i Lou Tuaoi

Ou te ofoina atu sina upu e uiga ia tatou uo, tuaoi, ma paaga i le aoga ma galuega o e e le o ni tagata o le Ekalesia. E ui lava tatou te matua manatu mamafa i le valaauga ma le tofiga mai le Alii, "O lenei, ia outou o atu e fai nuu uma lava ma soo, ma papatiso atu ia te i latou i le

suafa o le Tamā, ma le Atalii, ma le Agaga paia” (Mataio 28:19), tatou te faamamaluina ma faaaloalogia pea le saolotoga o tagata uma e mafaufau ai ma talitonu—pe lē talitonu—e pei ona latou filifilia.

Afai e le fia gauai mai se tuaoi, se paaga fai-galuega, po o se uo a’oga e suesue le talalelei, e tatau lava ona tatou faaaauau pea ona faaloaloa atu le lima o le faauooga. E le tatau ona faatapu-laa lo tatou alofa mo i latou; e tatau ona faamaoni ma aunoa ma ni manoa e saisaitia ai.

E sili atu le aoaoina o a tatou fanau e ala i faataitaiga a matua ma ta’ita’i. Ia tatou faaeteete e faatatau i mea tatou te tautala ai e uiga i isi ma le auala tatou te faia ai o tatou uso a tagata. Ma ia manatua, ua ia te i tatou le aia tatau e feesese ai, ae e le tatau lava ona tatou lē fiafia.

Sa aoao mai Iesu, “Ma ia e alofa atu i lē lua te tuaoi, ia pei o oe lava ia te oe” (Mataio 19:19). Afai o tatou o Ona sooo, e tatau ona tatou ola i le amiolelei ma le agalelei faaKerisiano faatasi ma tagata uma lava tatou te feiloi ai, e aofia ai i latou o e ua filifili e vavaeeseina i latou lava mai le Ekalesia.

Ia tatou uulima ma tagata agalelei uma i mafuaaga lelei uma ma faaaofia i latou i a tatou li’o faaleuo ma faapaaga. Ia tatou matuā taliaina i latou i o tatou falelotu ma gaoioiga faaleuarota.

O le Filemu ma Fautuaga Faaperofeta

O la’u tusi faaaposepolo ia te outou e faai i la’u molimau atu faapea afai o le a outou mafaufau ma le faaeteete i apoapoiga faaperofeta, o le a outou maua a outou a’ā e faafagaina faaleagaga [outou] o loo fesoottai atu i le “vai-puna, e puna i luga i le ola e faavavau” (Ioane 4:14). O le a outou le oti faaleagaga e pei o le laau matagofie o le sekoia; nai lo lena, ou te molimau atu ia te outou o le a sili atu lo outou filemu, olioli, ma le fiafia i o outou olaga e ala i le taliaina o Iesu Keriso ma auauna ua Ia valauina faapea ma le mulimuli ai i le fuafuaga o Lana talalelei. Sei vagana ai e toe liliu atu loto o tagata o atunuū i le Atua ma Ana aoaoga ma fuafuaga, o le a mautinoa lava lo tatou feagai ma faasalaga o loo faaali mai i tusitusiga paia.


O’u uso e ma tuafafine pelē, ua tofia i tatou e saunia le Ekalesia ma i tatou lava mo na aso o le a mautinoa lava le taunuū mai pe afai o le a faaaauau pea e tagata o le lalolagi ona lē amanaiaina ma lē faatauaina le Atua lo tatou Tama Faalelagi ma Lona Alo Pele, le Alii o Iesu Keriso. O loo manino mai tusitusiga paia e uiga i faasalaga o le liliuese mai i le Atua.


Matou te alolofa ia te outou. O lo’u avanoa lenei e valaauliaina ai lo tatou Tama Faalelagi e faamanuia ia te outou. Ia outou maua le filemu. Ia outou maua le olioli i o outou loto. Ia outou maua le lototele e salamo ai pe afai o loo outou manaomiaina. Afai o loo i ai se mea o loo tupu i o outou olaga e lē lelei, ia faamanuia outou e le Alii i le lototele e salamo ai ma suaia, amata atu i le asō. Ia auina atu e le Alii ia te outou le malosi e liliu atu ai o outou loto ia te Ia, ia alofa ia te Ia, ma auauna atu ia te Ia ina ia outou faaaauau saogalemu pea i le olaga faitino, ao sauni atu mo lena aso e fusia ai i tatou i aao o lo tatou Tama i le Lagi ma Lona Alo Peleina.

I le avea ai o se molimau faapitoa o Keriso, ou te molimau atu ia te outou ou te iloa o Iesu o le Keriso. O Ia o le Alo o le Atua. O nei mea ua ou fai atu ai e moni, ma ou te faamoemoe o le a outou taliaina la’u tusi i le agaga ua ou tautala atu ai. Ou te molimau atu o le Ekalesia lenei a Iesu Keriso.

Ia faamanuia outou e le Atua, o’u uso ma tuafafine pelē, a o tatou faia mea uma tatou te mafai e saunia ai mo lena aso pe a toe afio mai foi le Faaola ma le Togiola o le lalolagi o lo tatou Alii ma lo tatou Tupu. ■

Mai se saunoaga, “O se Tusi i le Au Paia o le Eria a Iuta Sate Leki,” sa tuuina atu i se konafesi a siteki tuufatasasi i le aso 11 o Setema, 2016.





M A T A U P U 3

O Le Afioaga ma le Finagalo o le Alii

Tusi a le Faatonu: O se vaega lenei o le mataupu 3 mai le Au Paia voluma 2 Leai se Lima Eleelea. (Voluma 2 o le a faalauiloa atu i le amataga o le tausaga fou.) I le tautoulu o le 1846, pe a ma le 2,500 tagata o le Ekalesia, e aofia ai Peresitene Polika Iaga, ua nonofo i Winter Quarters, o se nofoaga le tumau o le Au Paia o Aso e Gata Ai i le itu i sisifo o le Vaitafe o Misisipi. Ua toatele le Au Paia ua mafatia mai faamai.

Faatusi ai ma le mafatia i Winter Quarters, na maua e Polika se tala faapea o se aufaatupu faalavelave pe a ma se afe tamaloloa na osofaia le tamai nuu o le Au Paia o loo i ai pea i Navu. Pe tusa ma le lua selau le Au Paia na tali atu i ai, ae na faatoilaloina i latou i le taua ina ua mavae ni nai aso. Na ioe mai taitai o le Aai mo se malaga ese atu filemu o le Au Paia, o le toatele o i latou na matitiva ma mamai. Ae, ao tuua e le Au Paia le aai, na osofaia e le aufaatupu faalavelave i latou ma faaleagaina o latou fale ma taavale solofanua. Na faoa e se aufaatupu faalavelave le malumalu, faaleagaina lona vaega i totonu, ma faifai i le Au Paia ao latou sosola ese i tolauapiga i le isi itu o le vaitafe.²⁸

Ina ua faalogo Polika e uiga i le tulaga pagatia o le ausulufai, na ia tuuina atu se tusi i taitai o le Ekalesia, ma faamanatu ia i latou ia feagaiga na latou osia i Navu e fesoasoani i e matitiva ma fesoasoani i Au Paia taitasi na manaomia e malaga atu i sisifo.

“O uso ma tuafafine matitiva, o e ua maliliu tane ma e matua oti, mamai ma le tagolima, o loo ua taooto nei i le auvai i sisifo o le Misisipi,” na ia folafola atu ai. “O le taimi lenci mo le galulue. Ia faamumu i o outou loto, le afi o feagaiga, ia na outou osia i le maota o le Alii, e pei ose afi mumu e le mate.”²⁹

E ui ua uma ona latou auina atu le lua sefulu taavale solofanua o le toomaga i Navu i le lua vaiaso talu ai ma ua itiiti ni meaai ma ni nai sapalai o totoe, na toe auina atu e le Au Paia i Winter Quarters nisi taavale solofanua, vaega o povia, meaai, ma isi sapalai i Navu. O Neueli Uitini, le epikopo pulefaamalumalu o le Ekalesia, na faatauina ni falaoamata mo le Au Paia le tagolima.³⁰

Ina ua maua atu e vaega fesoasoani le ausulufai, o le toatele o le Au Paia iina na mamai i le fiva, leaga lavalava mo le taumalulu, ma ua matuai fiaai lava. I le aso 9 o Oketopa, ao latou saunia e faia le malaga i le Vaitafe o Misuri, na vaaia e le Au Paia se vaega tele o manulele o salu i le lagia ma na lolofi ane i luga ma faataamilo ia latou taavale solofanua. Na feosofi atu tamaloloa ma tama i salu, ma tapue mai i o latou lima. E toatele na manatuaina le ala na auina atu ai e le Atua ia Mose ma le aiga o Israelu salu i lo latou taimi o le fiaai.



“O lenei taeao na matou maua ai se faaalia tuusao lava o le alofa mutimutivale ma le agalelei o le Atua,” na tusia ai e Thomas Bullock, o se failautusi a le Ekalesia, i lana api talaga. “Na viia e uso ma tuafafine le Atua ma viia Lona suafa ma faapea o mea na to faaua ifo i lalo i le fanauga a Isaraelu i le vao ua faaalia mai ia i tatou i lo tatou taimi o le puapuaga.”

“O alii, tamaitai, ma tamaiti uma lava na maua salu e ai mo la latou aiga o le afiafi,” na tusia ai e Thomas.³¹

O le taimi lea, i le fia afe maila le mamao i le motu amu o Anaa i le Vasa Pasefika, na lauga atu ai se alii na umia le Perisitua Arona e igoa ia Tamanehune i se konafesi o le sili atu ma le valu selau le Au Paia. “Ua tatau ona auina atu se tusi i le Ekalesia i Amerika,” na ia fautua atu ai, “ma talosagaina i latou e auina mai iinei ia vave lava ni toeaina mai le lima i le selau.” O Ariipaea, o se tagata o le Ekalesia ma o se taitai o le nuu o le lotoifale, na faaluaina le manatu, ma na siilima le Au Paia o le Pasefika i Saute e lagolagoina.³²

Na pulefaamalumalu i le konafesi, Addison Pratt lea na malie ma le loto atoa ia Tamanehune., I le silia ma le tolu tau-saga talu ai, na papatiso ai e Adiison ma Benjamin Grouard le silia ma le afe tagata. Ae i lena taimi na la mauaina ai na o le tasi le tusi mai se tasi o le Toasefululua, ma e lei tuuina mai ai ni faatonuga mo le toefoi atu i le fale.³³

I le ono masina talu ona taunuu lena tusi, e lei toe faalogo na faifeatalai e toalua i se tasi o le aiga, uo, po o taitai o le Ekalesia. Soo se taimi lava e oo mai ai i le motu se nusipepa, la te sue solo i ona itulau mo ni talafou e uiga i le Au Paia. O le tasi pepa na la faitauina na tuuina mai ai o le afa o le Au Paia i Navu na fasiotia ao le isi vaega na faamalosia e sosola ese i Kaledonia.³⁴

I le popole tele e fia faalogo i le tulaga o Louisa ma ona afafine, na filifili ai Addison e toefoi i le Iunaite Setete. “Ina ia iloa le meamoni, e tusa lava pe leaga,” na ia tau atu ia te ia lava, “e sili atu nai lo le tumau ai i le masalosalo ma le popole.”³⁵



I le mavae ai o le auauna atu o se faifeautalai i Farani Polenia na toe foi Addison Pratt i le lunaite Setete ia toe faatasi ma lona fale-tua, o Louisa, lea na saunia e agai atu i sisifo ma le la fanau.

O uo a Addison o Nabota ma Telii, le tane ma le ava na auauna atu faatasi ma ia i Anaa, na filifili e toefoi i Tubuai, lea na alofagia ai Telii o se faiaoga faaleagaga i ona uso a tamaitai i le Ekalesia. Na fuafua Benjamin e tumau pea i atumotu e taitai le misiona.³⁶

Ina ua iloa e le Au Paia o le Pasefika o le a tuua e Addison le motu, na latou augani atu ia te ia toe foi vave atu ma aumai nisi faifeautalai faatasi ma ia. Talu ai ua fuafua Addison e toe foi atu i atumotu faatasi ma Louisa ma ona afafine, pe afai o loo ola pea i latou, o lea na ia vave ioe atu ai.³⁷

Ao oo mai le taumalulu i Winter Quarters, na tatalo soo Polika ia iloa pe faapefea ona saunia le Ekalesia mo le malaga i tua atu o Atu Mauga Papa. I le mavae ai tocitiiti lava o se tausaga i luga o le malaga savali, na ia iloa ai o le faatulagaina ma le faaauupega o le Au Paia mo le auala oi luma sa taua tele mo lo latou faamanuiaina. Ae peitai o le faatuai i le mavae ai o le isi faatuai na faaalia ai foi ia te ia le taua tele o le faalagolago i le Alii ma mulimuli i Lana taitaiga. E pei o aso o Iosefa, ua na o le Alii lava e mafai ona taitaiga Lana Ekalesia.

Na vave lava ina ua mavae le amataga o se tausaga fou, na lagona e Polika ua tatala e le Alii lona mafaufau i se malamalamana ma le poto fou. I se fonotaga faatasi ma fautua maualuga ma le Toasefululua i le aso 14 o Ianuari, 1847, na ia amata loa ona faamaumauina se faaaliga mai le Alii i le Au Paia. Ae lei alu Polika e moe, na tuuina atu e le Alii ia te ia nisi faatonuga mo le malaga o loo loma. Na avane i luga le faaaliga e lei uma, ma faaauau ona faamaumau e Polika faatonuga a le Alii mo le Au Paia.³⁸

O le aso na sosoo ai, sa tuuina atu ai e Polika le faaaliga i le Toasefululua. Na taua o le "O Le Afioga ma le Finagalo o le Alii" na faamamafa ai le manaomia ona faatulaga le Au Paia i ni vaega i lalo o le taitaiga a aposetolo. I le faaaliga,

na poloaiina ai e le Alii le Au Paia ia saunia mo o latou lava manaoga e faapea foi le galulue faatasi i la latou malaga, tausia e ua maliliu tane, matua oti, ma aiga o tagata o le Au Tau a Mamona.

"Ia tuu atu i tagata taitoatasi e faaaoga lona malosi ma ana meatotino uma e sii atu ai lenei nuu i le nofoaga o le a faatu ai e le Alii se siteki o Siona," na faatonu mai ai le faaaliga. "Ma afai tou te faia lenei mea ma le loto mamā, i le faamaoni atoa, o le a faamanuiaina outou."⁴⁰

Na poloaiina foi e le Alii Ona tagata ia salamo ma faa-mualalo i latou lava, tausia le tasi ma le isi i le agalelei, ma tuu le onana ma le tautala leaga. Na tuuina atu Ana afioga o se feagaiga, ma faatonuina le Au Paia ia "savavali i sauniga uma," ma tausia folafolaga na faia i totonu o le malumalu o Navu.⁴¹

"O A'u o le Alii lo outou Atua, o le Atua lava o o outou tamā, o le Atua o Aperaamo ma Isaako ma Iakopo," na Ia folafola atu ai. "O A'u o lē na taitaiina le fanauga a Isaraelu i fafo o le lauelele o Aikupito; ma ua faaloaloa atu lo'u lima i aso e gata ai."

E pei o Isaraelu anamua, na vivii atu le Au Paia i le Alii ma valaau atu i Lona suafa i taimi o puapuaga. Na latou pepese ma sisiva faatasi ma se tatalo o le faafetai i o latou loto. Sa le tatau ona latou fefefe i le lumanae ae faalagolago ia te Ia ma tauave ma le onosai o latou puapuaga.

"E ao ina tofotofoina lo'u nuu i mea uma, ina ia latou saunia e maua le mamalu ua ia te A'u mo i latou, o le mamalu lava lea o Siona."⁴²

Mo le vaega o totoe o le taumalulu, na faaauau e ap-setolo ona saili faaaliga ao latou saunia e auina atu vaega o taavale solofanua i luga o Mauga Papa. I lalo o la latou taitaiga, o le a tuua e se vaega toalaiti Winter Quarters i le tautotogo, sopoia atu mauga, ma faatuina se nofoaga fou o

**VANU TELE
O SATE LEKI**

UINITA KUATA

NAVU

le faapotopotoina mo le Au Paia. Ina ia usitaia le poloaiga a le Alii ma faataunu le valoaga, o le a latou sii ae se tagavai i atunu ma amata le galuega o se malumalu. O vaega e toatele atu, e tele lava o aiga, o le a mulimuli vave atu ia i latou, ma usitaia le Afioaga ma le Finagalo o le Alii i la latou malaga.⁴⁸

 A lei tuua Navu, na fuafua le Korama a le Toasefululua ma le Aufono o le Toalimagafulu ia nonofo i le Vanu o Sate Leki po o le Vanu o le Vaitafe o le Pea i matu. O na vanu uma i le itu mamao o Mauga Papa, ma faamatalaga i ai na foliga lelei.⁴⁹ Na vaai Polika i se faaaliga vaiai i le nofoaga o le a nonofo ai le Au Paia, ae na ona i ai ia te ia se lagona lautele po o fea e maua ai. Ae ui i lea, na ia tatalo ia taitaia o ia ma le vaega e muamua atu e le Atua i le nofoaga sao o le faapotopotoina mo le Eklesia.⁵⁰

 I le aoauli o le aso 16 o Aperila, 1847, na amata ai e le vaega muamua la latou malaga i lalo o lagi malulu ma pogisa. “Matou te faamoemoe ia tatala le ala mo le faaolataga o e faamaoni i le loto mai atunu uma, po o le ositaulaga mea uma i la matou tausiga,” na folafola atu ai apostolo i se tusi faamavae i le Au Paia i Winter Quarters. “I le suafa o le Atua o Israelu, matou te faamoemoe ia manumalo po o le feoti o taumafai.”⁵¹ ■

Ina ia faiat i le vaega o totoe o le matapu, faamolemole asiasi i le aupaia.ChurchofJesusChrist.org po o le vaega faatekinolosi o lenei tusiga i le Gospel Library app po o le liahona.ChurchofJesusChrist.org. O le upu Autu i faamatalaga ua faaalia ai faamatalaga faaopoopo i le aupaia.ChurchofJesusChrist.org.

FAAMATALAGA

- 28. James Whitehead to Brigham Young, Aug. 18, 1846, Brigham Young Office Files, CHL; George Alley to Joseph Alley, Jan. 26, 1847, George Alley, Letters, CHL; Mace, Autobiography, 138–45; “Articles of Accommodation Treaty Agreement,” Sept. 16, 1846, Chicago Historical Society, Collection of Manuscripts about Mormons, CHL; Bullock, Journal, Sept. 1846; Historical Department, Journal History of the Church, Sept. 18, 1846; Leonard, *Nauvoo*, 606–16.
- 29. Historian’s Office, History of the Church, volume 16, Sept. 24 ma 27,

1846, 49, 51; Brigham Young to “the High Council at Council Point,” Sept. 27, 1846, Brigham Young Office Files, CHL.

- 30. Historian’s Office, History of the Church, volume 16, Sept. 14, 1846, 34; Sept. 27, 1846, 52; Oct. 5, 1846, 7–8; Oct. 6, 1846, 11.
- 31. Bullock, Journal, Oct. 9, 1846; Historian’s Office, History of the Church, volume 16, Oct. 5 and 9, 1846, 7–8, 14–15.
- 32. Society Islands Conference Report, Sept. 24, 1846, i le Historian’s Office, Minutes and Reports (local units), CHL; Addison Pratt, Journal, Feb. 3, 1846; Sept. 24, 1846; Nov. 1850. I lana lipoti ia Noveme 1850, e foliga mai na sese ia Addison le aso o le konafesi. **Autu:** French Polynesia [Farani Polenia] 33. Addison Pratt, Journal, Mar. 5, 1846; Apr. 17, 1846; Nov. 14, 1846; Woodruff, Journal, Nov. 26, 1844.
- 34. Grouard, Journal, 145; tagai foi Addison Pratt, Journal, Feb. 6, 1847.
- 35. Addison Pratt, Journal, Nov. 7, 1846.
- 36. Addison Pratt, Journal, Mar. 13 and 17, 1846; Nov. 14 and 17, 1846; Jan. 9, 1847; Addison Pratt to “My Dear Family,” Jan. 6, 1846, Addison Pratt Family Collection, CHL; Grouard, Journal, 165–66.
- 37. Grouard, Journal, 172; Addison Pratt, Journal, Nov. 1850; Addison Pratt to “My Dear Family,” Jan. 6, 1846, Addison Pratt Family Collection, CHL; see also Addison Pratt, Journal, Jan. 13, 1847.
- 38. Historian’s Office, History of the Church, volume 17, Jan. 14, 1847, 18–19; Willard Richards, Journal, Jan. 14, 1847; tagai foi Bennett, *Mormons at the Missouri*, 148–57. **Autu:** Polika Iaga
- 40. Mataupu Faavae ma Feagaiga 136:1–11 (Revelation, Jan. 14, 1847, Revelations Collection, CHL); Historian’s Office, History of the Church, volume 17, Jan. 15, 1847, 19.
- 41. Mataupu Faavae ma Feagaiga 136:4, 8, 19, 23–27, 32 (Revelation, Jan. 14, 1847, Revelations Collection, CHL).
- 42. Mataupu Faavae ma Feagaiga 136:17, 21–22, 28–31 (Revelation, Jan. 14, 1847, Revelations Collection, CHL); tagai foi Esoto 2:23–25; 4:31; 6:6–7; 15:1.
- 43. Woodruff, Journal, Sept. 4, 1847; Historian’s Office, History of the Church, volume 17, Mar. 6 and 21, 1847, 65–66, 72; Lee, Journal, Feb. 15 and 27, 1847; Council of the Twelve Apostles to “the Brethren at Winter Quarters,” Apr. 16, 1847, Brigham Young Office Files, CHL; tagai foi Mataupu Faavae ma Feagaiga 136 (Revelation, Jan. 14, 1847, Revelations Collection, CHL).
- 44. Council of Fifty, “Record,” Sept. 9, 1845, and Jan. 11, 1846, i le JSP, CFM:472, 513.
- 45. Lee, Journal, Jan. 13, 1846, 79; George A. Smith, i le *Journal of Discourses*, June 20, 1869, 13:85; Council of the Twelve Apostles to “the Brethren at Winter Quarters,” Apr. 16, 1846, Brigham Young Office Files, CHL; Norton, Reminiscence and Journal, July 28, 1847; Erastus Snow, i le *Journal of Discourses*, Sept. 14, 1873, 16:207; tagai foi Thomas Bullock to Henrietta Rushton Bullock, June 9, 1847, Henrietta R. Bullock Collection, CHL.
- 46. Woodruff, Journal, Apr. 14–16, 1847; Clayton, Diary, Apr. 16, 1847; Council of the Twelve Apostles to “the Brethren at Winter Quarters,” Apr. 16, 1847, Brigham Young Office Files, CHL.



**Saunia e Elder
Adilson de Paula
Parrella**
O le Fitugafulu




O le Taliaina ma le Faailoaina o Taiala Faalelagi

Ua finagalo le Atua e tuuina mai ia i tatou le taitaiga,
ae e tatau ona tatou mananao ma saunia e taliaina.

Tle avea ma faifeatalai talavou i le nofoaga tutotonu mo le aoaoina o faifeatalai i Brazil, sa i ai se aso sa tofia ai i matou e o, o ni soa, i auala o São Paulo e valaaulia tagata e faalogo i lesona a faifeatalai. Ina ua maea ni nai itula sa matou toe foi atu i le MTC ma faia se sauniga molimau.

E toatele sa talanoa mai e uiga i musumusuga sa latou mauaina e o atu i se auala patino po o le faafeiloai atu o se tagata patino. Na lagonaina le ofoofogia o nei aafiaga ia te a'u. Ae peitai, talu ai sa leai sa'u aafiaga faapea, sa ou lagona ai atonu e le i lava lo'u lelei, pe lava saunia, e avea ma faifeatalai.

I le lagona ai o le lotovaivai, sa ou saili atu ai se fesoasoani mai le au taitai o le NAF. Sa latou fesoasoani mai ia te a'u ou te malamalama o le Atua e finagalo e tuuina mai ia i tatou faatonuga e ala i le Agaga Paia, ma e ui ina le tutusa lo'u aafiaga ma aafiaga o isi, sa manaomia pea ona ou agavaa mo le taitaiga a le Agaga. E pei lava o se leitio e manaomia ona ki i se alaleo patino, po o se telefoni feaveai e manaomia ona fesootai i le upega tafailagi, e tatau foi ona tatou ogatasi ma fesootai ina ia mafai ai ona mauaina le mea e fesootai mai e le Agaga Paia ia i tatou.



E pei lava o se telefoni feaveai e manaomia ona fesootai i le upega tafailagi, e tatau foi ona tatou o gatasi ma fesootai ina ia mafai ai ona mauaina le mea e fesootai mai e le Agaga Paia ia i tatou.

Ola Tumau Faaleagaga

Na tuuina mai e Peresitene Russell M. Nelson le lapataiga lenei: “I aso a sau, o le a le mafai ona ola tumau ai faaleagaga e aunoa ma le taiala, taitaiga, faamafanafanaga, ma le faatosinaga faifaipea a le Agaga Paia.”¹

Na ia unaia i tatou e “aapa i tua atu o [o tatou] tomai faaleagaga o i ai nei e maua ai faaaliga faaletagata lava ia, aua ua folafola mai e le Alii e faapea ‘afai e te [saili] mai, o le a e maua lea faaaliga e faaopoopo i luga o lea faaaliga, lea malamalama e faaopoopo i luga o lea malamalama, ina ia mafai ona e iloa mealilo ma mea filemu—o mea ia e maua ai le olioli, o mea ia e maua ai le ola e faavavau’ [Mataupu Faavae ma Feagaiga 42:61].”²

A o tatou faimalaga ai iinei i le lalolagi, o loo faamoemoe mai le Alii tatou te “faia mea e tele i lo [tatou] lava loto malie, ma aumai le amiontonu tele” (Mataupu Faavae ma Feagaiga 58:27). Ae peitai, o nisi mea e faato’ā mafai lava ona tatou faataunuuna faatasi ma le fesoasoani a le lagi. O le a faaalia mai e le Agaga Paia ia i tatou mea e tatau ona tatou faia e tumau ai—ma agai pea i luma—o le ala i le fiafia i lenei olaga ma ia maua le ola e faavavau. “Aua faauta, ou te toe fai atu ia te outou, afai tou te ulu atu i le ala, ma maua le Agaga Paia, o le a faaali mai e ia ia te outou mea uma e tatau ona outou faia” (2 Nifae 32:5).

O Le Mamanu a le Alii

Ua faamalamalama mai e tusitusiga paia le auala e tuuina mai ai e le Alii ia i tatou faaaliga faaletagata lava ia: “O le a Ou ta’u atu ia te oe i lou mafaufau ma lou loto, e ala i le Agaga Paia, lea o le a oo atu i ou luga ma lea o le a mau i lou loto” (Mataupu Faavae ma Feagaiga 8:2).

Ua fetalaiia mai foi le Alii ia i tatou “ia tuu atu lou faalagolago i le Agaga lena lea na te taitai ia fai mea lelei” (Mataupu Faavae ma Feagaiga 11:12). O nisi taimi o le a taitaia i tatou e le Agaga e faia mea lelei e ala i mafaufauga, manatu, o se faasologa o manatu, faalogona e taofia le faia o se mea pe amata ona faia se mea, manatu loloto po o le malamalamaaga, o le tatala maia o mea ia e le mafai ona tatou aoaoina i le na o lo tatou lava gafatia, le manatuaina o mea ua galo, ma isi.³

I le Kalatia 5:22–23, tatou te aoao ai faapea e masani ona fesootai mai le Agaga Paia e ala i lagona ma faalogona e pei o le alofa, olioli, filemu, onosai, mataalofa, agalelei, faatuatua, agamalu, ma le le gaoiā. O le fesoasoani tatou te maua mai i le Agaga Paia o le a faifaipea ona oo mai o ni faatonuga patino lava ia i tatou mo o tatou manaoga patino, ae ia manatua, o nei ituaiga o taitaiga o le a faatosinaina i tatou e faia le lelei (tagai i le Moronae 7:13) ma o le a ogatasi i taimi uma ma aoaoga a perofeta soifua ma tusitusiga paia.

Maua ma Iloa

Atonu o se tasi o luitau autu tatou te feagai i le olaga faitino o le iloa lea ona maua, iloa, ma usitai i uunaiga ma taitaiga mai le Agaga Paia. Atonu e fesoasoani lesona nei ia i tatou.

Lesona 1: O loo finagalo le Alii e tuuina mai ia i tatou faaaliga faaletagata lava ia, ae e tatau ona tatou saunia e taliaina.




“O se tasi o mea na uunaia soo e le Agaga i lo’u mafaufau talu mai lo’u valaauga fou o le Peresitene o le Ekalesia,” na saunoa mai ai Peresitene Nelson, “o le naunau o le Alii e faaali mai Lona mafaufau ma Lona finagalo. O le avanoa o le mauaina o faaaliga o se tasi lea o meaalofa silisili a le Atua i Lana fanau.”⁴

I le NAF, sa ou aoao ai e tatau ona ou saunia e talia soo se mea sa finagalo le Alii e tuuina mai ia te a’u, i Lona taimi ma Lana ala. Sa ou aoaoina e faapea o mea faalavelave e mafai ona mafua ai ona matuā faalavelavea i tatou ma o le a lē mafai ai ona tatou iloaina le taimi e fetalai mai ai le Alii ia i tatou pe faalogo ai ma le faaeteete i le savali e finagalo o Ia tatou te lagonaaina.

O Elder David A. Bednar o le Korama a Aposestolo e Toasefululua sa saunoa mai, “A o tatou naunau i ai ma valaaulia le Agaga Paia i o tatou olaga ma aoao e vave ona usitaia musumusuga faigofie, o le a mafai foi e i tatou ona poloka ese atu leo faalavelave o le lalolagi ae tulimatai ma le manino i musumusuga a le Agaga Paia.”⁵

Lesona 2: E tatau ona tatou suesueina ma aoaoina pe faapefea ona galue le gagana a le Agaga.



O Elder Ronald A. Rasband o le Korama a Aposestolo e Toasefululua na saunoa faapea, “E tele lava ina fesootai mai le Agaga o se lagona. “E te lagolina i upu e te masani ai, e iai se uiga ia te oe, lea e uunaia oe. . . .

“. . . O nei lagona e mälū, o se uunaiga e faatino, ia faia se mea, ia fai atu se upu, e tali atu ai i se auala faapitoa.”⁶

O le aoao e talia faaaliga mai le Agaga Paia e ono faatusatusa i le aoaoina o se gagana. Muamua lava e laitiiti se mea tatou te malamalamā ai pe masalo e matuā leai lava se mea. Ae ao tatou faaauau pea ona tuu atu i ai i tatou lava, tatou te pikia mai ni upu, ona oo ai lea i fuaiupu, ona oo ai lea i manatu atoatoa. E iu lava ina tatou iloa ane ua tatou malamalamā i mea o loo talanoaina. Ina ia aoaoina le gagana a le Agaga, e tatau ona tatou:

- Naunau e Aoao.
- Suesue, i tusitusiga paia ma i upu a perofeta soifua, le auala e taliaina ai faaaliga.
- Ia faalogo lelei i faalogona faaleagaga.
- Ole atu i le Atua e auina mai ia i tatou le taitaiga e ala i le Agaga Paia.
- Ia loto e talia—ae le o le lē amanaiaina pe manatu māmā i ai—i faatonuga ua maua.
- Usitai i musumusuga.
- Ia saili ma le filigā ia maua taiala faoopoopo.

Lesona 3: E i ai i le Tama
Faalelagi Lana lava ala ma
le taimi e tuuina mai ai ia i
tatou faaaliga.



O le lesona lenei e aafia ai mataupu faavae e tolu:

1. *E mafai ma o le a faailoa mai e le Atua ia i tatou mea e fai e alualu ai i luma.* O le galuega a lo tatou Tama Faalelagi o le fesoasoani mai lea ia i tatou e maua le ola e faavavau (tagai i le Mose 1:39). “Ua [Ia] popole e le gata mo lo tatou mafanafana ae sili atu foi mo lo tatou alualu agai i luga,” na saunoa mai ai Peresitene Henry B. Eyring, Fesoasoani Lua i le Au Peresitene Sili.⁷

O lona uiga e popole le Tama Faalelagi i a tatou laa e faia iinei i le fogaeleele. E silafia e Ia po o a faa-iuga e tatau ona tatou faia ma a foi galuega e tatau ona tatou fai ina ia “mafai ona avea [tatou] ma atalii [ma afafine] o le Atua” (Moronae 7:48). E sili atu i lo mea e mafai ona e mafaufauina, e finagalo o Ia ia e ausiaaina lou taunuuga—ia toe foi atu i lou aiga faalelagi i le mamalu,” o le saunoaga lea a Elder Dieter F. Uchtdorf o le Korama a Apostetolo e Toasefululua.⁸

2. *O nisi taimi tatou te lē malamalama i le mafuaaga mo faatonuga faalelagi.* E i ai taimi o le a auina mai e le Atua faatonuga tatou te le i mafaufauina. Ou te manatua lo’u nofo ai i se sauniga faamanatuga ina ua oo manino mai se uunaiga i lo’u mafaufau. O le faatonuga e le o se leo po o se musumusu ae o se manatu manino e ta’u mai ai se mea e tatau ona ou faia. Sa ou le mafaufauina ou te mauaina lea ituaiga faatonuga i le taimi o le sauniga faamanatuga.

Sa ou liliu atu i lo’u toalua ma ta’u atu ia te ia le uunaiga lea faatoa ou maua lava. Sa faailoa mai e ia e tatau ona ou usitai i le uunaiga, e ui lava ma te le i malamalama i le mafuaaga i ona tua atu.

A o ma usitai i lena faatonuga, ma a o faagasolo pea le taimi, sa ma mauaina nisi molimau o le taitaiga sa ma mauaina na aumaia ia i maua le filemu sili atu ma faamautinoia ai lo ma’ua tumau ai i le ma ala o le tuputupu ae.

3. *E tatau ona tatou loto e faia le finagalo o le Atua.* I Lona atoatoa ma Lona poto, e silafia e le Atua le mea e sili ona lelei mo i tatou. E faavae i se silafaga faalelagi, o le a Ia faaali mai ia i tatou se auala e sili atu. Ae o le a tele taimi e luitau ai i tatou. I lenei mea, e pei ona i ai i mea uma, o le Alii o Iesu Keriso o lo tatou faataitaiga atoatoa. Sa Ia faia le finagalo o le Tamā ma Ona finagalo. A o puapugatia le Faaola mo a tatou agasala, sa Ia tatalo ai, “Lo’u Tama e, afai e mafai, ia ave ese lenei ipu ia te au; ae au le faia lo’u loto, ao lou finagalo” (Matao 26:39).

E tatau foi ona tatou loto e faamuamua le finagalo o le Atua i luga atu o o tatou lava faanaunautaiga. A o tatou taliaina Lona finagalo ma faia, ua tatou saunia ai i tatou lava e maua isi taitaiga faaopoopo. Sa aoao mai Elder Bednar faapea “a tatou faamamaluina a tatou feagaiga ma tauasi i poloaiga, a o tatou taumafai atili e le aunoa e faia mea lelei ma atili ona lelei, e mafai ona tatou savavali ma le mautinoia o le a taiatalaina e le Atua a tatou la’.”⁹

Mauaina O Le Fesoasoani A Le Lagi

O lo tatou alualu i luma e faavavau e faalagolago i lo tatou mauaina o faaletagata lava ia o le taitaiga mai le Agaga Paia. Ia tatou taitoatasai ma finafinai e mulimuli i le fautuaga a Peresitene Nelson e saili faaaliga mo o tatou olaga. A tatou talitonu ma faatuatuaina e finagalo le Atua e auina mai ia i tatou le taitaiga e ala mai i le Agaga Paia, ona, a o tatou filigā e faaogatotonu i o tatou olaga le tuliloaina o le fesoasoani a le lagi, o le a tatou maua le taitaiga tatou te manaomia. ■

FAAMATALAGA

1. Russell M. Nelson, “Faaaliga mo le Ekalesia, Faaaliga mo o Tatou Olaga,” *Liahona*, Me 2018, 96.
2. Russell M. Nelson, “Faaaliga mo le Ekalesia, Faaaliga mo o Tatou Olaga,” 95
3. Tagai David A. Bednar, “O Le Agaga o Faaaliga,” *Liahona*, Me 2011, 87–90.
4. Russell M. Nelson, “Faaaliga mo le Ekalesia, Faaaliga mo o Tatou Olaga,” 94.
5. David A. Bednar, “Mauaina, Illoaina, ma le Taliina o Musumusuga a le Agaga Paia” (Ricks College Devotional, Auk. 31, 1999).
6. Ronald A. Rasband, “Tuu Atu i le Agaga Paia e Taitai,” *Liahona*, Me 2017, 94.
7. Henry B. Eyring, “Ou Te Tuuina Atu Ia Te Outou Le Manuia,” *Liahona*, Me 2017, 17.
8. Dieter F. Uchtdorf, “Ola Fiafia i le Talalelei,” *Liahona*, Nov. 2014, 123.
9. David A. Bednar, “O Le Agaga o Faaaliga,” 90.

Tasi le La'a i le Taimi

O le Atoatoa e ono taufaamata'u—aemaise lava pe a tatou faia ma tapulaa faatulagaina mo o tatou olaga lē atoatoa. O le uiga o la'u tala, o tagata uma lava e sese i nisi taimi ma salamo i mea sese. E masani lava, o le salamo e mafai ona fesoasoani ia i tatou e fai suiga manaomia, ae afai tatou te faaalu tele le taimi e mafau-fau loloto ai i le manaomia ona faia mea lelei tele atu ma amio lelei tele atu, o na manatu e mafai ona faavaivai ai oe. I lana tala i le itulau 44, ua fesoasoani mai ai Nathan ia i tatou e iloa le mea moni lava o le atoatoa ma le auala e mafai ona tatou ausia ai e ala i le ola amiotonu, e tasi si tamai mea i le taimi.

E mafai foi ona foliga mai i le tele o taimi e pei ua tuua toatas i tatou i la tatou tauiviga e faaleleia atili, ae ua le tuua na o tatou! Ua i ai iinei Tamā Faalelagi ma lesu Keriso mo i tatou taitoatas. Afai e iai se taimi lava e te lagona ai ua le lava lou lelei, faitau le tala a Joëlle i le itulau 42 e uiga i le auala na avea ai lona malamalama i le Togiola a le Faaola e fesoasoani ia te ia e faafolia lona faafiaatoatoa.

O le tele o taimi, o le faafiaatoatoa e mafai ona taula'i i mea e pei o le tumamā, e pei o popolega o Amber, pe i vaega o le talalelei, e pei o le tauiviga a Aaron e avea ma se tagata o le Atua (na'o tusiga faatekonolosi uma). Ae e pei lava ona iloa e nei talavou matutua, e mafai pea ona e lagonaina le Agaga ma avea ma se alii po o se tamaitai o le Atua e tusa lava pe e te le atoatoa.

E te manao i nisi tala lelei? O le poloaiga "o lenei, ia atoatoa ona lelei o la outou amio" (Mataio 5:48) atonu e le o lona uiga tonu lena e te mafaufau iai. Faitau le na'o tusiga faatekonolosi a David e aoao ai ni sitepu mo le faafolia o le faafiaatoatoa.

A o tatou taumafai e faaleleia atili, e manaomia ona tatou manatuina e finagalo le Alii ia tatou musuia ma faagaeetia—ae le o le faanoanoa. E mafai ona tatou matuā faigata lava lo tatou faitionina o i tatou lava (tagai i la'u na'o tusiga faatekonolosi) ae e tatau ona manatua a agalelei ia i tatou lava i la tatou faigamalaga agai i le atoatoa.

Taula'i Atu i le Tamā Faalelagi ma le Faaola. E silafia e i La'ua lou taua faalelagi ma, i le faasologa o taimi, e mafai ona fesoasoani ia te oe e avea o se tagata sili atu nai lo le tagata na iai sou manatu e te ono oo i ai. Tasi le La'a i le Taimi.

Ma le faamaoni lava,
Heather Claridge



AUTALAVOU MATUTUA

I LE VAEGA LENEI

42 **Ou Te Le Atoatoa . . . I Le Taimi Nei**

Saunia e Joëlle Spijkerman

44 **Faafiaatoatoa: O se Taaloga Oona o le "Vaai-i-Eseesega"**

Saunia e Nathan Read

48 **Atoatoa e ala ia Keriso**



NA’O TUSIGA FAATEKINOLOSI

Ua Tatou Soona Faitioina i Tatou Lava

Saunia e Heather White Claridge

E Mafai Ona Ou Lagonaina le Agaga i Totonu o Lo’u Fale Gaogaosa?

Saunia e Amber Weston

E tusa lava pe i ai Ou Vaivaiga, E Mafai Pea Ona Avea Oe o se Alii po o se Tamaitai Moni o le Atua

Saunia e Aaron Williams

Oe: O Se Galuega o loo Faagasolo

Saunia e David Dickson



FAUTUAGA SILI . . .

Ua faasoa mai e talavou matutua a latou fautuaga sili e uiga i le fafofa o le faafiaatoatoa:

“Ou te tuuina ia te a'u lava lenei fautuaga: Ua ou iinei e aoao e taulai i mea taua ina ia mafai ona ou toe foi atu ia te la.”

—*Paola Vargas, Aguascalientes, Mexico*

“O tagata atoatoa e le manaomia se Faaola. Ua aumaia e le Atua ia i tatou vaivaiga ina ia mafai ona tatou faalagolago ia Keriso.”

—*Mckenna Clarke, Virginia, USA*

“Sa ou aoao i le lotu o le atoatoa e le oo mai i lenei olaga, ae e oo mai i le olaga a sau. O le Faaola o se faataitaiga sili mo i tatou. Mulimuli ia te la i le olaga lenei ina ia mafai ai ona e atoatoa i se aso.”

—*Vennela Vakapalli, Andhra Pradesh, India*


O le a le fautuaga aupito sili na e maua e uiga i le faamagalo atu? Auina mai lau tali i le **liahona.ChurchofJesusChrist.org** ia Setema 30, 2019.

FAASOA MAI LAU TALA


E iai sau tala uiga'ese e faasoa mai? Pe e te manao e vaai i ni tusiga e uiga i ni matapu faapitao? Afai o lea, matou te mananao e faalogo atu ia te oe! Auina mai au tusiga po o lou manatu faaalia i le **liahona.ChurchofJesusChrist.org**

E UIGA I TUSITALA TALAVOU MATUTUA


Joëlle Spijkerman e fiafia e ata ma mata ataata, ma e masani lava ona faagaeetia e uiga i le olaga. E fiafia o ia i le talalelei, tamaiti, ma le musika, ma o loo suesue nei o ia e avea ma fiaoga i aoga maulalo. O se tasi o ana sini o le faaso atu o le malamalamama i tagata uma lava o loo siomia o ia.



Nathan Read sa tuputupu ae i Tasmania, Ausetalia. E iai sona faailoga tikeri i le iloilo faaletamaoiga ma o loo faigaluega nei mo le mālō. I tua atu o lana galuega ma le fiaoga ai i le seminar i lana uarota, e fiafia o ia e auai i tala faamusika faalelotoifale ma le fautauina o tusi lelei.



Heather White Claridge o se teineitiiti o lē sa moe ma se faaputuga tusi i lalo o lona aluga, o le mea lea sa faanatura lava ona avea o ia ma se faatonu [o tusitala]. Sa nofo o ia i nuu eseese o le lunaite Sitete, ma aoao ai tomai (e pei o le Taekwondo ma tioata felanulanuai) a o nofo solo o ia. O le tau e sili ona fiafia iai o ia o le tautoulu—o le pogai ona o le tele o lau manutinuti e osooso ai i luga.



Amber Weston o se tina e nofo i le fale o ni fanau aulelei e toafa. O le tagata e sili ona fiafia i ai o lona toalua ma o le mea e sili ona fiafia e fai o le tusi lea o lana tusi faamaumau e faaaoga ai se lisí e togitogi. E alu o ia i soo se mea ma ave lana tusi talaaga togitogi ina ia mafai ona tausisi e faamaumau taimi matagofie (ma lē matuā matagofie) ia e aumaia e le olaga ia te ia.



Saili nei tusiga ma isi:

- I le **liahona.ChurchofJesusChrist.org**
- I le **YA Weekly** (i lalo o le vaega mo Autalavou Matutua i le Gospel Library)
- I le **facebook.com/liahona**

Ou te Lē Atoatoa . . . I le Taimi Nei

**O le tauivi ai ma
le faafiaatoatoa sa
fesoasoani ia te a'u e
malamalama atili e
uiga i le Togiola
a le Faaola.**

Saunia e Joëlle Spijkerman

I le 3 Nifae 12:48, ua aoao mai lesu, “O lea ou te manao ia outou atoatoa e pei lava o a'u, po o lo outou Tamā o le o i le lagi e atoatoa.” O lenei mau sa taia malosi ai a'u i taimi uma aua sa ou tauivi ma le faafiaatoatoa i lo'u olaga atoa. Ma e ui o se mea maoae le manao e sili le lelei o mea uma ou te faia, o le faafiaatoatoa e mafai ona matuā oona tele. Mo se taimi umi lava, soo se taimi ou te faia ai se mea sese, pe oo lava i taimi ou te manumalo ai, ou te lagona lava e le lava lava lo'u lelei.

Mana'o Tele Mo A'u Lava

Sa tele tele mea sa ou manao ai i taimi uma mo a'u lava, aemaise lava i le aoga maualuga. Ma sa masani lava ona ou toilalo ai aua sa ou taumafai e faataunu le tele o mea i le taimi lava e tasi e faamaonia ai o a'u ua lava lo'u lelei. I se tasi tausaga sa ou fufua ai e aoao le siva uosi, ave lesona musika, ma auai i se vaega musika. Sa ou manatu e manaomia ona ou faia le tele o mea ou te mafaia e atinae ai ma faaatoatoaina a'u taleni. Ae sa iai lava le taimi, na ou tuua ai mea uma lava aua ua matuā tele tele lava mo a'u ou te taulimaina. Sa ou matuā faitioina a'u lava. Sa ou lagonaina e pei o se tagata toilalo, ma o le toilalo o se tasi o mea e sili ona ou mata'u i ai.

Ou te iloa e le na o a'u le tagata e tauivi ma le faafiaatoatoa. E toatele i tatou o loo taumafai e faia le mea e sili i aso taitasi ma lagona le faavaivai pe a tatou le ausia mea uma lava i le atoatoa. Ae ui lava i a tatou taumafaiga uma, e leai ma se isi o i tatou o le a matuā atoatoa lelei lava iinei i le lalolagi. O lea la e mafai faapefea ona tatou taumafai mo le atoatoa pe afai o a tatou taumafaiga uma e foliga mai e le aogā? Ua faasoa mai e Elder Jeffrey R. Holland o le Korama a Aposetole e Toasefululua se tali: “la Atoatoa Ona Lelei o La Outou Amio—I Le luga.”¹

O le taumafai mo le atoatoa o se mea lelei, ae e mafai ona avea ma mea leaga pe afai e tatou te tuua e lofituina i tatou. Faatasi ai ma mea uma lava i lenei olaga o loo manaomia i tatou faaletino, faalemafaufau, faalelagona, e oo lava i le faaleagaga, e taua le aua le tuua i tatou lava e lofituina pe gasegase i le le taliaina lea o se mea i lalo ifo o le atoatoa. Ma e sili atu foi le taua o le mafaufau i le mea o loo finagalo lo tatou Tamā Faalelagi tatou te faia. E lē finagalo le Atua tatou te lofituina i le tele tele o mea o loo tatou taumafai e fai.

Sa aoao mai le Alii i le Mataupu Faavae ma Feagaiga 10:4, “Aua le momo’ televave atu pe galue sili atu nai lo le malosi ua ia te oe ma ala ua tuu atu e mafai ai ona e faaliliu; ae ia e filiga e oo



i le iuga." E mafai ona tatou faaaogaina lena poloaiga i o tatou olaga. E finagalo le Tamā Faalelagi ia tatou fiafia, ma o le a tatou fiafia pe afai tatou te faia le mea ua la fetalai mai ia tatou faia i le auala sili tatou te mafaia. E tusa lava pe e le i matua atoatoa lava a tatou taumafaiga.

O le Atoatoa o Lona Uiga Ua "Faaatoatoaina"

O le upu *atoatoa* e tupuga mai i le upu Latina *perficere*, lea e vaevae i le

per- ("atoatoa") ma le *facere* ("fai"). O lea la o le atoatoa o lona uiga moni lava o le "faaatoatoaina." Ma e le mafai ona tatou faaatoatoaina e aunoa ma lesu Keriso (tagai i le Moronae 10:30). Ou te manatu o le tele o i tatou e masani ona manatu ua lē lava lo tatou lelei. Ma, ia, e lē lava! O lona uiga, a aunoa ma Keriso e le lava [lo tatou lelei]. E pei ona saunoa Amona: "Ua ou iloa o a'u o se meanoa; a faatatau i lo'u malosi ua ou vaivai; o lea ou te le mitamita ai ia te

au lava ia, ae ou te mitamita i lo'u Atua, ona o lona malosi e mafai ai ona ou faia o mea uma" (Alema 26:12).

Faatasi ma lesu Keriso, e mafai i taimi uma ona tatou taumafai e avea ma tagata lelei atu, e oo lava i se tulaga o le a tatou atoatoa ma faaatoatoaina ai i se aso auā o le a la faaatoatoaina o tatou lē atoatoa. "loe, o mai ia Keriso, ma faaatoatoaina ia te ia, ma faafiti outou lava mai mea uma e le faaleatua; ma afai tou te faafiti outou lava mai mea e le faaleatua uma, ma alolofa i le Atua ma o outou manatu atoa, mafau-fau, ma le malosi atoa, ona lava lea o lona alofa tunoa e mafai ai ona outou atoatoa ia Keriso" (Moronae 10:32).

I le faasologa o tausaga ua ou iloa ai ou te le i matuā malamalama ma manino atoatoa i le uiga o le Togiola a le Faaola mo a'u ma ia a'u. Sa ou faapea sa manaomia ona ou faatinoina mea uma iinei i le lalolagi e aunoa ma ni sesē ma sa tuua toatasi a'u ou te saili lava e a'u le auala e faatino ai lenei galuega. Ae o lenei ua ou iloa e le tuua toatasi lava i tatou. Afai tatou te taumafai e taula'i ia lesu Keriso ma taofimau o la i o tatou loto ma o tatou mafau-fau, o le a suia o tatou vaivaiga i malosiaga—e pei lava ona suia a'u tauiviga ma le faafiaatoatoa. Ou te iloa ou te le atoatoa. Ae e mafai ona fesoasoani Keriso ia i tatou e faafoia soo se vaivaiga, agasala, luitau, ma le mata'u. E malamalama o la ia i tatou ma silafia pe faapefea ona fesoasoani mai ia i tatou. Ou te faamoemoe o le a tatou faafiafiaina i Lona alofa e faavavau. Ma iloa e ui lava tatou te le o atoatoa i le taimi lenei, afai tatou te taumafai e mulimuli ia te la, o le a tatou atoatoa lava i se aso. ■

E alala le tusitala i Netherlands.

FAAMATALAGA

- Jeffrey R. Holland, "Ia Atoatoa Ona Lelei o La Outou Amio—I Le Iuga," *Liahona*, Nov. 2017, 40.

Faaafiaatoatoa

O SE
TAALOGA
OONA O LE
“VAAI-I-
ESEESEGA”

E i ai taimi e tatou te
manatu uma ai lava
ua tatou le au i le
fua. Ae e tatau ona
tatou mautinoa o loo
sa’o ona tatou fuatia i
tatou lava.





ATAINA TUSIA E KELSEY GARRITY RILEY

Saunia e Nathan Read

Ao ou laitiiti lava, sa ou fafia e taalo "Vaai-i-Eseesega" i le matou nusipepa o le lotoifale. E lua ata toeitiiti lava tutusa lelei, e i tafatafa o le isi le isi, sa tuuina mai o se lu'i e su'e ia eseesega laiti lava i le va o ata ia. Afai e te matuā latalata lau tulimata'i i vaega taitasi o le ata, e mafai ona e faamanuiaina e maua le tele, a le o mea uma, o eseesega. O le faamoemoega o lenei gaoioiga e lē ina ia talisapaia le ata pe ia faamae'aina le ata lona lua; o le faamoemoega ina ia vaaia vaega lē atoatoa uma i le kopi lēmae'a o le ata muamua.

O se luitau masani mo talavou matutua o le lagona ua toilalo ma lē āu i le fua o tulaga faatonuina ua matou vaai faalemafaufau i ai e tatau ona āu i ai. Ua faateleina lava ona matou faatusatusa i matou lava i isi ma vaai atu i se tasi tagata ua amataina se galuega faamanuiaina, o se isi ua ausia togī atoatoa i a latou aoga, o se isi ua i ai se lio o uo toatele atu, ma se isi ua matou vaai atu i ai e sili atu le agalelei, sili atu le poto, sili atu le lima foai ma faaaloalo nai lo i matou. Ae leiloa foi pe laitiiti atu nai lo matou! E matuā faigofie lava ona taaaalo i le "Vaai-i-Eseesega" i le va o i matou ma tagata o loo siomia i matou ma i taimi uma lava o loo mafai ona matou tusia ai se lisi umi lava o mafuaaga e "lelei atu ai" isi tagata nai lo matou.

O lenei ituaigna o mafaufauga e patino lava lona ogaoga pe afai tatou te manatu o lo tatou lava taua e fua ia tatou tau-nuuga faamanuiaina, o tatou uiga, po o le tele o a tatou oa faalelalolagi. O le isi mea, o la tatou taalogia o le "Vaai-i-Eseesega" e seāseā lava faailoa mai ai malosiaga ma uiga faaKeriso ua tatou atinaeina i o tatou olaga ma lē amanaia le upu moni faavae faapea e ia i tatou uma lava le gafatia e atoatoa ai faapei

o Keriso . . . i se aso. Ina ua fetalai le Faao-la, "la outou atoatoa e pei lava o a'u, po o lo outou Tamā o le o i le lagi e atoatoa" (3 Nifae 12:48), ou te talitonu sa la saili e sii a'e la tatou vaai ma aumaia ia i tatou le faamoemoe—o le mea moni, o Ana valaau-lia uma o se valaau ia salamo ma se faaali mai o Lona talitonuina o i tatou e mafai ona tatou ausia le mea ua la finagalo ia tatou faia. O le luitau tele mo i tatou o le siitia a'e lea i luga atu o manatu faanatura e fuā, tetee, faanoanoa, ma lē mautonu, ae ia filifili e lotomaualalo, salamo, faatuatua, ma faamoemoe.

Amiontonu Nei, Atoatoa Mulimuli

O se vaega o le foia o le "faafiaatoatoa" leaga lea o loo faatau atu e le fili o le malamalamala lea po o le a moni lava le atoatoa. I se saunoaga a Peresitene Russell M. Nelson i le mataupu o le atoatoa, sa ia faamalamalamala ai o le upu Eleni e mafua mai ai le *atoatoa* i le Mataio 5:48 o lona uiga o le "faaatoatoaina."¹ E leai ma se isi o i tatou e "faaatoatoaina" i lenei olaga faaletino; o le faaatoatoaina o le a oo mai i le faavavau.

A tatou iloa o le atoatoa e lofituina ai, e mafai ona tatou la'a i ni sitepu i le ala i le atoatoa: mo se faataitaiga, a o tatou totogi atoa le sefuluai, e mafai ona tatou tausia le poloaiga o le sefuluai ma le *atoatoa*. A o tatou tatalo i aso uma, atonu tatou te iloa ai



Tepa Atu ia Keriso

**Ia Amiontonu
Nei,
Faamoemoe
Ia Atoatoa
Mulimuli**

**Faamoemoe
i le Toilalo,
ma Alofa i le
Salamo**

**Ia Faaeteete
i le
Faamaualuga**



ua tatou *atoatoa* i le filifili lea e tatalo i aso taitasi. O la'a taitasi i luga o le ala i le atoatoa (e ta'ua foi o le ala o feagaiga) ua fuafuaina e aumaia ia i tatou le olioli. O iloiloga faifaipea faaletagata lava ia o le a toe faamautu maia ia i tatou o loo tatou alualu i luma ma o loo fiafia lo tatou Tamā i le āluga faaleagaga o o tatou olaga.

O le amiontonu ma le atoatoa e le ni upu uiga tutusa. O le atoatoa o se taunuuga, a o le amiontonu o se mamanu o le faatuatua ma le salamo lea tatou te filifili ai i aso taitasi. Afai o le atoatoa o se taunuuga, o lona uiga o a tatou feagaiga o o tatou tusifolau ma o le amiontonu o le faasitepu i le faigamalaga. Afai o lo tatou vaaiiga lea i le atoatoa, e mafai ona tatou faamoemoe i mea lelei e oo mai a o tatou atinae ma le onosai ma le filigā mamanu amiontonu.

Faamoemoe i le Toilalo, Alofa i le Salamo

Lata mai nei lava, sa ou tomanatu ai i se saunoaga a Elder Lynn G. Robbins o le Fitugafulu: "O le salamo e le o se fuafuaga faaleoleo [a le Atua] pe a te'i ua tatou toilalo. O le salamo o Lana fuafuaga lea, ma le silafaina o le a tatou toilalo lava."² O le olaga lenei o le taimi faataitai ua tuuina mai ia i tatou e sauni ai mo le faavavau. O le salamo e saunia i tatou e ala i le sua o le auala tatou te vaai ai ia i tatou lava ma aumaia i tatou ia latalata atili atu i le Atua ma le Faaola. E tatau ona tatou faamoemoe e toilalo pe faia mea sese, masalo i aso uma; e le tatau ona le faamoemoe i ai, e le tatau foi ona taitaia i tatou i le faanoanoa. O le mea moni, e tatau ona tatou fiafia pe a tatou iloa o tatou vaivaiga ma sese a o i ai lo tatou avanoa e taitoalua ai

ma Keriso i le sua o o tatou vaivaiga i malosiaga.

O le mea lea, e ui o le atoatoa o le sini, o le ala tatou te uia e aofia ai le salamo ma le alualu i luma i aso taitasi faatasi ma le ataata i o tatou foliga ma le faafetai i o tatou loto.

Tepa Atu ia Keriso

O Elder Neal A. Maxwell (1926–2004) o le Koroma a Aposetolo e Toasefuluua lea na saunoa, "O le mea tatou te mananao pea lava pea i ai, o le mea lena o le a avea ai i tatou, ma o le mea foi lena o le a tatou maua i le faavavau."³ O a tatou filifiliga i aso taitasi e fuafuaina tagata o le a avea ai i tatou. Afai o lo tatou faanaunauga o le loto o le avea faapei o le Faaola ma o lo tatou uunaiga o le alofa mo la, o le a atagia mai ia tatou filifiliga lena faanaunauga ma o le a sui ai i tatou.



Pe a tatou fetaiai ma aualapoloka, pe a tatou faia mea sese, ma pe a tatou pa'ū atu i faaosoosoga, e mafai ona tatou tali atu e ala i le tepa ese mai ia Keriso, pe e mafai ona tatou tepa atu ia Keriso i le faatuatua, faamoe, onosai, se loto nutimomoia, ma se agaga salamo. O le tali i o tatou tulaga faigata e maua i taimi uma ia Keriso ma Lana talalelei. A o tatou tepa a'e ia Keriso, o le a la aoao i tatou ma suia i tatou.

O le tele o luitau o le olaga e pa'ū i vaega e lua: o i latou o e o le a faafoia i le olaga lenei ma i latou o e o le a faafoia i le olaga a sau, atonu o se lē atoatoa, faanoanoa po o le atuatuvalue, po o se faaosoosoga faifaipea. E ia lesu Keriso le mana e faaatoatoa ai i tatou. Ma e ia te la le mana e suia i tatou. A o tatou filifilia le lotomaulalo, ua tatou talia le taimi a le Alii ma Lona finagalo

ma afai tatou te saili ma le faamaoni i Lana fesoasoani ma le taitaiga, tatou te maua le malosi, faamalosiauga faalelagi, ma le filemu.

Ia Faaeteete i le Faamaualuga

E lē ofoina mai lava e le fili ni tali lelei i o tatou luitau. A oo ina tatou iloaina o tatou toilaloga ma vaivaiga, na te faamalosiauina i tatou e nanā i latou mai isi auā tatou te mananao e foliga atu tatou te matuā atoatoa lava. O se tasi lea o foliga o le faamaualuga. E ofoina mai e Keriso i taimi uma lava tali lelei i o tatou luitau, ae peitai, e lē faapea o le a faigofie ai Ana tali. Mo se faataitaiga, ua valaaulia i tatou e le Alii e faatuatuaina o la a o tatou faasoa atu le talalelei ae o loo ta'u mai e Satani ia i tatou e le tatau ona tatou faasoa atu le talalelei auā tatou te lē tautala poto. Ae ua folafola mai e le Alii o le a la tuuina mai ia i tatou le tala e fai "i le minute tonu lava" (Mataupu Faavae ma Feagaga 100:6). O le mea moni, e fafaga e le fili o tatou masalosaloga ae fafaga e le Alii lo tatou faatuatua.

Nai lo le faapisi o i tatou lava i le taaalo i le "Vaai-i-Esesegā" ma le "Nanā-le-Vaivaiga," e finagalo Keriso ia tatou tepa atu ia te la ma galulue i le "Suia-le-Vaivaiga." O le faamaualuga e faavae i le faatauvā; ae peitai, o le olaga e le i fuafuaina e fai o se tauvaga. A o tatou filifilia Keriso e fai ma o tatou faataitaiga, uō, ma lagolagosua, e mafai ona tatou tuu esea a tatou faatusatusaga leaga ae saili le filemu o i le ala i le atoatoa.

Manatua, i le olaga tatou te feagai uma lava ma le luitau o le lē atoatoa ma ona vaivaiga e o mai faatasi ai.

Afai tatou te vaai atu i isi o loo tauivi, e mafai ona avea i tatou ma malosiaga lelei e siitia maualuga i latou. Afai tatou te vaai atu i isi ua faamanuaina, e mafai ona tatou ofo atu ni viia faamaoni. Ae e leai lava se avanoa tatou te manuia ai i le taumafai lea e fuafua pe tutusa lelei lo tatou amiotonu ma se isi tagata pe leai. Atonu e lē iloa mai e isi lo tatou tāua, ae e silasila mai i ai le Atua: ia la o i tatou e faavavau lo tatou tāua. O tatou lava o Ana fanau i taimi uma. E alofa lē faatuaioia o la ia i tatou, ma ua fiafia o la ia tatou taumafaiga amiotonu e avea faapei o la.

O lesu Keriso e lē o se tagata mata-mata e lē auai i o tatou olaga. O la o lo o auai, silafia, ma galue e faolaina i tatou ma taitai i tatou e toe foi atu i se aiga selesitila. O Lona malosi e mafai ai ona tatou faia o mea uma ma e ala ia lesu Keriso e leai se mea e lē mafai. I lenei olaga ua faamatatalaina i le lē atoatoa, o le Alii o lo tatou faamoemoe ma le faataitaiga ma o le a la lē faamsinoina i tatou e ala i le faatusatusa lea o i tatou i o tatou uso ma tuafafine. E silafia e la o tatou loto ma o le a la tuu le matagi i lā o o tatou vaa i le faigamalaga alualu pea i luma i le faaatoatoaina. la tatou galulue i le faatuatua, salamo ma le tepa atu ia Keriso ma le faamoemoe i Lana folafolaga faapea i le iuga, e mafai ona tatou faaatoatoaina ia te ia" (Moronae10:32). ■

E alala le tusitala i Tasmania, Ausetalia.

FAAMATALAGA

1. Russell M. Nelson, "Atoatoaga o loo Faatalitali," *Liahona*, Ian. 1996, 103.
2. Lynn G. Robbins, "Seia Fitugafulu ni Fitu" *Liahona*, Me 2018, 22.
3. (Neal A. Maxwell, "E Tusa Ma o [Matou] Manao," *Liahona*, Ian. 1997, 23–25).

Atoatoa *e ala ia Keriso*

"O mai ia Keriso,
ma faaatoatoaina ia te la"
(Moronae 10:32).

"Atoatoaga . . . o loo faatalitali mai mo i latou uma o e alolofa ia te ia ma tau-sia ana poloaiga. . . . O le taunuuga lea e tatau ona tatou onosaia. O le atoatoaga e faavavau o loo teuina e le Atua mo i tatou taitoatasi."

—Peresitene Russell M. Nelson ("Atoatoaga o Loo Faatalitali," *Liahona*, Ian. 1996, 105)

ATA I TOTONU NOFOAGA AUTU MO TAGATA ASIASIO LE MALUMALU O ROMA





AUTALAVOU MATUTUA

**O LE A LE UIGA MONI
LAVA O LE ATOATOA?**

*Afai o loo e tauivi ma le
lagona e pei ua le lava lou lelei,
o nei tusiga e mo oe.*

40



AUTALAVOU

**FAAAOGA LE API O
LE KONAFESI O LENEI
MASINA E SAUNIA
AI, FAALOGOLOGO
I AI, MA AOAO AI
MAI LE KONAFESI
AOAO!**

TAMAITI

**FAAAOGA LENEI
TAALOGA A O
FAALOGOLOGO I LE
KONAFESI AOAO!**

U10

O LE EKALESIA A
IESU KERISO
O LE AU PAIA O ASO
E GATA AI

Uo



Aoao e uiga i le
Ekalesia i
Rusia!

Tagai i itulau U6–U9



Saunia e
Peresitene
Russell M.
Nelson

O Auala e Tolu e Faifai mea faatasi ai ma Isi



Sa aoao Iesu i tagata auala e faifai mea faatasi ai ma isi.

Auala #1: Alofa i tagata.

Sa tuuina mai e Iesu poloaiga autu sili e lua: muamua, e te “alofa atu i le Alii lou Atua ma lou loto atoa, ma lou agaga atoa, ma lou manatu atoa” (Mataio 22:37), ma le lona lua, e te “alofa atu i lē lua te tuaoi, ia pei o oe lava ia te oe” (Mataio 22:39).

O le poloaiga ia alofa i le Atua ma ia alofa i tuaoi e o faatasi. O tagata o uso ma tufafine moni lava auā o le Atua o lo tatou Tamā moni lava.

Auala #2: Faamagalo i latou.

Sa aoao i tatou e Iesu ia faamagalo tagata uma, “ina ia faamagaloina foi e lo outou Tamā o i le lagi a outou agasala” (Mareko 11:25).

Auala #3: Fai atu i a i latou i le ala e te manao e fai mai ia te oe.

Sa aoao e Iesu le Tulafono Faaapro: “O mea uma foi tou te loto iai ia faia e tagata ia te outou, ia faapea lava ona outou faia ia te i latou” (Mataio 7:12).


E faigofie ona malamalamā i le mafuaaga e tatau ai ona tatou fai atu i isi i le auala tatou te mananao e fai mai ia i tatou. O le mafuaaga ona o atalii ma afafine taitoatasī o le Atua e taua (tagai i le Mataio 25:40). ●

Na sii mai le “Amuia ē Faatupuina le Filemu,” Liahona, Nov. 2002, 39–42.

O le Ola Ai i le Tulafono Faauro

E fia tupe siliva e mafai ona e mauaina?

Valivali auro ma samasama i latou.



MAFAUFAU I AI

O le auro o se u'amea matuā taua lava, ma o tagata e matuā taua foi! O le mea moni, e sili atu le taua o se tagata nai lo auro ma tupe uma lava i le lalolagi. E faapefea ona fesoasoani le mulimuli i le Tulafono Auro ia i tatou e faia isi e pei o fanau taua a le Atua? E faapefea ona fesoasoani ia te oe e faifai mea faatasi ai ma isi?

"He hears and answers me" (Children's Songbook, 14).

Sa ma'i le tuafafine o Joe o Sarai. E le o le ituaiga o ma'i lea e tale ai ma tiga le manava. Fai mai Mama ma Papa atonu e maua o ia i le ma'i suka.

E le i iloa e Joe poo le a le ma'i suka, ae faalogo atu pei e fefe ai. Ona faamalamalama lea e Mama ma Papa faapea o le taimi lea e iai le faafitauli i tino o tagata i le faaaogaina o le suka mai meaai latou te aai ai. Sa manaomia ona nofo Sarai i le falemai mo ni nai aso e suesue ai pe maua o ia i le ma'i suka.

O nisi taimi e faaita ai e Sarai ia Joe. Sa taumafai o ia e taaalo ma uo a Joe. Sa tasi foi le taimi sa leiloa ai foi ia ia

le ki o le taaloga vitio a Joe. Ae sa matuā alofa lava Joe ia te ia. *Ou te lē manao e ma'i o ia*, o ona mafaufauga ia a o omai loimata i ona mata.

Sa fesoasoani tuafafine o Joe e faasauni Sarai mo le falemai. Sa aumai i fafo e Maria le ato faafafa a Sarai. Sa fesoasoani Hana e teu ona ofumoe. Sa faaopoopo atu e Lili se palanikeke fulufulua. Sa manao foi Joe e fesoasoani foi, ae na te le i iloa pe faapefea na fesoasoani.

I se taimi vave lava ua teu uma mea a Sarai.

"Sei o tatou tatalo ae tatou te le i o," o le tala lea a Papa. "Joe, e te faia le tatalo?"

Ole Faafitauli ole Ma'i Suka

Saunia e Eliza Broadbent

(E faavae i se tala moni)
E alala le tusitala i luta, ISA.





Sa luelue atu le ulu o Joe. "Tamā Faalelagi pele e," na amata ai o ia. "Faamolemole faamanuia Sarai ia aua nei iai ia te ia le ma'i suka. Faamolemole faamanuia o ina ia manuia." Ina ua tatalo Joe, sa lagona e ia sina lagona lelei.

Ina ua omai faatasi le aiga mo se feofoofoaiga, sa iai se manatu o Joe.

"Faatali!" sa ia fai atu ai. Sa alu atu o ia i lona potu ma uu mai le laau ta musika lea na ia maua i lona aso fanau. Sa ia faamautinoa ua iai i totonu pese sili ona fafia i ai Sarai.

"Ia," na ia fai mai ai, ma tuu atu ai ia Sarai. "E mafai ona e avea le mea lea i le falemai." Sa ataata Sarai ma uumau a o savali o ia i le taavale.

O le aso na sosoo ai, sa ave e Mama ia Joe ma ona tuafafine i le falemai e asiasi ia Sarai. Sa lagona le fefe o Joe a o latou savavali i totonu o le falemai. "Faamolemole faamanuia o ia ia le maua i le ma'i suka," sa tatalo ai o ia pei ua faaselau ai.

Ina ua o latou oo atu i le potu o Sarai, sa nofo mai o ia i lona moega ua iai ni faagaau o loo tata'i i ona lima. Sa ataata laitiiti o ia ina ua vaai atu i tagata uma.

"Ua maua mai suesuega," o le tala lea a Papa. "Fai mai fomai o Sarai e maua i le ma'i suka ituiga 1. O lona uiga ua tatau ona suia nisi o meaai tatou te aai ai o se aiga ma fesoasoani ia te ia i ana vai. Ae o le a manuia o ia!

Sa faafusei ona pei e mole le manava o Joe. Sa alu o ia i fafo o le potu ma nofo i lalo i talaane o le faitotoa. Sa tanuma'i ona foliga i ona lima.

"O le a le mea ua tupu, Joe?" O le tala lea a Mama ao nofo atu i ona tafatatafa.

"Sa ou tatalo ina ia le maua Sarai i le ma'i suka," o le tala lea a Joe. "Aisea na lē tali mai ai Tamā Faalelagi i la'u tatalo?

Na fusi o ia e Mama. "E tali mai i taimi uma Tamā Faalelagi i a tatou tatalo. Ae e lē tali mai i taimi uma i le auala *tatou* te mananao ai. O nisi taimi, nai lo le aveese o mea faigata, e tali mai o Ia i le aumaia ia i tatou o le filemu ma fesoasoani ia i tatou ia malolosi. Ou te iloa o le a fesoasoani Tamā Faalelagi ia Sarai."

Sa luelue lemu le ulu o Joe. Sa le i lagonaina e ia le filemu poo le malosi i le taimi lenei. Ae sa manatua e ia lagona lelei sa maua e ia i le taimi o le tatalo faaleaiga.

Sa la'ua toe savavali faatasi i totonu o le potu. Sa taaalo tuafafine o Joe i se taaloga pelē, e pei lava sa latou faia i le fale. Ma sa latou foliga fafia uma, e oo lava ia Sarai.


Ona iloa atu ai lea e Joe o se mea. Sa tautau mea faalogo a Sarai i lona ua ma sa i ona vae le laau ta musika a Joe.

"E faalogologo lava o ia i pese sa e pikiina mo ia," o le tala lea a Mama. "E matuā fesoasoani lava ia te ia e lagona le toafilemu."

Sa lagona e Joe le mafanafana i totonu ia te ia. Sa iloa e ia o lea lava ua fesoasoani mai Tama Faalelagi ia te ia. ●

FESILI MO OE

E te manatu sa faapefea ona tali mai e Tama Faalelagi tatalo a Joe?



Faafeiloai atu mai Rusia!



Talofa,
o ma'ua o Paolo
ma Margo.


Faatasi mai
ma i ma'ua a o
ma asiisi i
Rusia!



O Rusia o le atunuū sili ona tele i le lalolagi! E salalau atu i konitineta e lua, o Europa ma Asia. O le manu faasao a Rusia o le urosa enaena.



O le faitau pi a Rusia e faaaoga ai mataitusi Siriliki (Cyrillic). O se faailoga lea o loo i luga o se fale o le Ekalesia i Rusia ma se Tusi a Mamona faaRusia.



O le Fale lea o Sagato Pasilio, o se tasi o nofoaga sili ona ta'uta'ua i Rusia. E tele tagata i Rusia e auai i le Russian Orthodox Church. O i latou o ni Kerisiano, o lona uiga latou te talitonu ia Iesu Keriso, pei o tatou!



I Rusia, o le aso muamua o le aoga e ta'u o le Aso o le Poto. O tamaiti e pepese, sisiva, ma aumai fugalaau mo latou faiaoga.



O le supo e lauiloa tele i Rusia! O le tama lea o loo ai e ia se supo kapisi e ta'u o le *shchi*.



O le tausaga talu ai na faasila sila mai ai e Peresitene Nelson o le a fausia se malumalu i Rusia. Sa matuā fiafia tagata o le Ekalesia i Rusia! O le a avea ma uluai malumalu i lena atunuū matuā telē.

**Faafetai mo le asiasia
o Rusia ma i ma'ua.
Feiloai i se isi taimi!**



Faafeiloai mai i nisi o a tatou uo mai Rusia!



Ou te fiafia e fa'asoat atu la'u molimau i le lotu. Ou te fiafia e faitau i tusitusiga paia. Ou te fiafia i le malumalu ma ua le mafai ona faatali lo'u fia alu i totonu.

Eva, 8 tausaga



E alofa Iesu ia te a'u, ma ou te alofa ia te la. Ou te talanoa e uiga ia te la i le a'oga, ma e iloa foi e a'u uo o la. Ou te fiafia e usu pese o le Peraimeri i a'u uo.

Efim, 7 tausaga

**E te sau mai Rusia?
Tusi mai ia i matou! Ma te fiafia
lava e faalogo atu ia te oe.**

Ua Faamagalo Atu E Le Purinisese Lage

*Ua manao Katia e fai se tala faatino,
ae o loo taumafai Sonia e puleaina!*

Saunia e Charlotte Larcabal

Mekasini a le Ekalesia
(E faavae i se tala moni)

"O lenei, ia mutimuti vale lo outou alofa, pei ona alofa mutimuti vale o lo outou Tama" (Luka 6:36).

Sa sii e Katia se pusa lapoa a o savali atu o ia i fafo o lona fale i le la susulu. O le taimi o le taumafanafana, ma e mo ni nai masina, sa mafanafana le tau i lona aai i Rusia. Sa tuu e ia i lalo le pusa i luga o se nofoa lea o loo faatalitali mai ai ana uo o Tima ma Sonia.

"Lea ua ii uma mea tatou te manaomia mo la tatou tala faatino!" fai mai ai Katia. Sa ia tatalaina le pusa ma toso mai i fafo se pale uga ma ni fasi ie lanu viole, lanu moana ma le lanu mumu. Faatasi ma sina fatufatua'i, o nei mea o le a maua ai se ofu maoae.

"O le a le tala lea laa tatou faia?" O le fesili lea a Tima.

Sa ataata Katia. "Ou te manatu e tatau ona ta faia 'Le Purinisese Lage'!" O le tala lea e sili ona fiafia i ai. Sa ataata Katia a o ia vaai faalemafaufau ia te ia o avea ma Vasilisa aulelei.

Sa toso mai e Sonia le ie lanumōana mai le pusa ma taai ia te ia.





“Ou te manao e fai a’u ma Vasilisa!” o lana tala lea.

“Faatali!” sa fai atu ai Katia. “O la’u aitia. O lona uiga e tatau na fai a’u ma Vasilisa.”

“E mafai ona avea oe ma Vasilisa,” sa fai atu ai Sonia. Ona ata lea o ia. “I le taimi lea e avea o ia ma lage!”

Sa faauu Katia ma toso ese le ie lanu moana mai ia Sonia. “Ae o la’u tala!”

Sa tuu e Sonia ona lima i ona pui-manava. “E leai se isi e fia taalo ma oe pe afai e te fia posi. E sili atu oe o se lage nai lo o se purinisese.”

Sa lagona e Katia loimata i ona mata. Sa ia sii vave lana pusa ma tamoe i totonu, e oo lava i luga o le fasitepu i le fale mautotogi a lona aiga. Sa matuā togi e ia le tapuni o le faitotoa i ona tua.

“O le a se mea ua tupu?” O le tala lea a Mama. Na maligi loimata o Katia.

“Ua faaleaga uma e Sonia mea umal!” Sa faamatala e Katia le tala atoa ia Mama. “Na fai mai o ia o a’u o se lage!”

“Oi, Katiusa,” na fai atu ai Mama. O Katiusa o le igoa tauvalaau lea a

Mama mo Katia. “Ou te faamalie atu. E le manaia lena mea ia ia.”

I le taimi lava lena ae tu’itu’i mai loa le faitotoa. Sa alu Mama e tali le tu’itu’i, ae tamoe Katia i lona potu. Sa lagona e ia leo, ona valaau atu lea o Mama ia te ia. “E te fia talanoa ia Sonia? E i ai lana tala e fia faiatu ia te oe.”

“Leai!” Sa ‘e’ē Katia.

Sa ia toe lagona atu leo, ona ia faalogo atu lea ua tapuni le faitotoa.

“Ou te manatu ua faanoanoa ia Sonia,” fai mai ai Mama.

“Ou te le kea,” o le tala lea a Katia. Sa matuā uunai tele e ia ona foliga i lona aluga.

Sa tu Mama i le faitotoa mo se minute. “E te iloa, o nisi taimi pe a ou matua’i ita lava, ou te le manao e faamagalo isi tagata. O isi taimi e manaomia ona ou tatalo i le Tamā Faalelagi e fesoasoani mai ia te a’u ia ou manao ou te faamagalo atu. Ona savali ese lea o ia.

Sa ita tele Katia e faamagalo atu. Sa faatigā e Sonia ona lagona! Ae . . . o le ita e le o se lagona lelei foi.

Sa ia mapuea ma tootuli i autafa o lona moega. Sa iloa e Katia e fesoasoani Tamā Faalelagi ia ia faamagalo

atu Sonia. O le mea sao lea e fai. Ae atonu e finagalo Tamā Faalelagi ia Katia e faamagalo atu auā o le a fesoasoani ai ia Katia e lelei atu foi ona faalogona.

“Tama Faalelagi, faamolemole fesoasoani mai ia te a’u e faamagalo Sonia,” o lana tala lea. “Ou te le manao moi lava i ai, ae ou te le manao foi ou te ita pea.”

Sa uma lana tatalo ma mānava tele lava. Sa faalogo atu Katia ua amata ona liusuavai ese atu lona ita, laitiiti lava. E mafai ona ia faia le mea lea. E mafai ona ia faamagalo atu. Sa savali o ia i le fale mautotogi o Sonia ma tu’itu’i le faitotoa.

Sa tatala e Sonia le faitotoa ma amata loa lava ona tautala. “Katia, ou te faatoese atu i le tala na ou faia.”

“Ua ou faamagaloina oe,” sa fai atu ai Katia. “Ou te faatoese atu foi sa ou toe aveina uma lava ofu o le tala. E mafai foi ona avea oe ma Vasilisa. E mafai ona ta feauauai.”

Sa ataata Sonia. “Ua lelei. “E mafai ona ta o ta te faataitai i le taimi lenei? O le a ou alu e aumai Timi!”

Sa ataata atu foi Katia. “O le a ou aumaia ofu o le tala!” ●

Alu mo le Fa ile Konafesi Lenei!


Taaalo ma se paga i le taaloga lea i le taimi o le konafesi. Muamua, filifili le X po o le O.

Ona faalogologo lea mo upu o i le lisi o loo i lalo.

Soo se taimi lava e te faalogo ai i se tasi o upu, feauauai e tusi lau mataitusi o le (X po o le O) i se tasi o avanoa.

Amata i le laina pito i lalo o le kata tau ‘ai. A uma, e tatau ona tuu le isi mataitusi i luga ae o se isi mataitusi.

O ai lava e maua le fa i se laina ua malo! ●



**Fanau
Poloaiga
Faatuatua**

**Aiga
Atua
Iesu**

**Alofa
Tatalo
Perisitua**

**Faaaliga
Tusitusiga Paia
Malumalu**

**Perofeta
Aposetolo**

Ua lata mai le taimi o le a ou alu ai i le malumalu mo le taimi muamua, ma ua ou popole teisi e uiga i le faatalanoaga mo le malumalu. O a ituaiga o fesili o le a fesili mai ai le epikopo?

—Anxious i Akapuko




Le Pele Anxious,

O le lisi o loo i lalo e faaali atu ai ituaiga o mea o le a talanoa atu ai lou epikopo po o le peresitene o le paranesi ia te oe. E mafai ona e fesili ia te ia pe afai e te le malamalama po o le a le uiga o se mea. E mafai foi ona lua iai ma sou matua pe afai e te manao ai.

Matou te alolofa ia te oe!

O Le Uo



- E te faatuatua le Tamā Faalelagi, Iesu Keriso, ma le Agaga Paia?
- E te lagolagoina ou taitai o le Ekalesia (e pei o le perofeta, o aposetolo, ma lou epikopo)?

- E te faamaoni?
- E te totogiina atoa se 10-pasene o lau sefuluai?



E tusa lava pe e te le o alu i le malumalu i le taimi lava lenei, e mafai lava ona maua sou pepa faataga o le malumalu pe afai o loo e i Tamaitai Talavou pe umia le Perisitua Arona. E fesoasoani ai ia te oe e manatua ia e tumau i le agavaa e te alu ai i le malumalu!



- E te tausia lou mafaufau ma lou tino ia mama ma lē ponā?
- E te taumafai malosi e tausia feagaiga sa e faia ina ua e papatiso?
- E te mulimuli i poloaiga?



- E te tausia le Upu o le Poto?
- Pe e te talitonu ua e agavaa e te ulu atu i le maota o le Alii?

Talafaasolopito o Aiga, Faa Faasitepu

**Talofa,
o a'u o Mei.**

Sa ou mauaina le ata
lenei i totonu o se
pusa tuai. I le patua,
sa ou vaai ai i le
igoa Fumiko.



Sa ma toe vaai i totonu
o le pusa ma maua ai
se tusi ua leva sa tusia
e Fumiko ma isi foi ata.
E ese le manaia o le
aoao e uiga ia te ia.


Sa fai mai lo'u tinā o se
ata o Fumiko le tinā o le
tinā o le tinā o lo'u tinā.
Sa ou manao e saili
nisi faamatalaga e
uiga ia te ia.

Sa matou o i le FamilySearch.org ma faaopoopo Fumiko i le gafa a lo matou aiga. Sa matou tuuina i totonu lona aso fanau ma le aso sa faaipoipo ai i laua ma lona toalua o Hiroshi.



E le i papatiso lava Fumiko a o soifua o ia, ae o lenei la ua ou matua ou te alu i le malumalu e papatiso mo ia.

Ina ua ou oo atu i le fale, sa ou tusia loa e uiga i ai i la'u tusi faamaumau. Ou te faamoemoe i se aso o le a ou feiloai atu ia Tinā o le Tinā Matua o Fumiko. Ou te manao ia ou faaaauau pea ona ou aoao e uiga ia te ia ma uiga i lo'u aiga atoa lava!



Sa ma faia se kopi o le igoa ma faama-talaga ia Fumiko. Ona ma o loa lea i le malumalu ma sa ou papatiso ai mo ia!

Sa matou tuuina foi i ai ma ata o Fumiko. Ia a faapea e leiloloa pe faaleagaina ata, e maua lava se kopi i luga o le initoneti.



E mafai foi ona e faia talaa-faosolopito o aiga—e tusa lava pe e te nofo mamao mai se malumalu.

- Tusi ni tala pe tusi ni ata i totonusi o lau tusi faamaumau e uiga i lou olaga.
- Fesili i sou matua po o matua o matua e uiga i o latou olaga.
- Tuu ata i luga o le **FamilySearch.org** e faa-doga ai se kompiuta, telefoni feaveai, po o se tapeleti.
- Faitau e uiga i fesili mo le pepa faataga o le malumalu i le itulau U11. E faapefa ona e agavaa nei lava mo le malumalu?





Sa le mafai ona faatali José e alu i le malumalu. Ae aisea la na alai ona popole?

O Le Filemu i le Malumalu

Saunia e José Rodríguez

(E faavae i se tala moni)

"Ou te fia vaai i le malumalu. Ou te ulu i ai i se aso"
(Tusipese a Tamaiti, 99).

Malo lava, José," fai mai ai Epikopo García. Sa ia tuuina mai ia te a'u lo'u pepa faataga fou o le malumalu.

"Faafetai lava!" Na ou fai atu ai. Sa ou faatalofa ia te ia ma savali i fafo ma le ofisa, ma ou pupula to'a i lalo i le pepa paepae. Ua mafai nei ona ou alu i le malumalu e faia papatisoga!

O o'u *abuelos* (matua o matua) sa faatalitali i le fale-taaloo. O o'u matua e le i o mai soo i le lotu, o lea sa masani lava ona matou o i le lotu ma Abuela ma Abuelo. Sa la'ua opoina uma a'u.

"Ua e fiafia tele mo lau malaga muamua i le malumalu i le vaiaso lea?" Sa fesili mai ai Abuelo a o matou savavalii atu i fafo o le fale.

"Ioe!" Na ou fai atu ai. Ae sa lē mafai ona ou lē iloaina le lagona ese, le mautonu i lo'u manava.

"O le a matuā manaia le o faatasi o se aiga," fai mai ai Abuela ma se foliga matuā ataata lava.

Sa ou ataata atu foi, ae e le i alu ese lava le lagona ese.

A o latalata mai le aso o le malaga i le malumalu, sa faateleina lo'u lagona le mautonu. Sa iu lava ina ou talanoa ia Abuela e uiga i ai.

Sa tipitipi ana fualau aina i le umukuka, ae na taofi ina ua ou alu atu i totonu. "O le a le mea ua tupu?" o lana fesili lea, ma solo ona lima i le solo. "Ua e foliga popole."


Sa ou mapuea ma ou nofo i lalo i le laulau. "Ua matuā ou fiafia lava e alu i le malumalu. Ae ua ou lē mautonu foi."

Sa luelue le ulu o Abuela, e pei e malamalama o ia i o'u lagona. "E lē tatau ona e popole. O le a i ai tagata iina e fesoasoani ia te oe i laasaga uma o le ala."

A o tautala o ia, sa ou lagonaina se lagona mafanafana ma lelei mai lo'u ulu e tau i o'u tamai vae. Sa ou iloaina o le a avea ma aso faapitoa.

FESILI MO OE

Aisea e te manatu
ai o le malumalu
o se nofoaga
faapitoa?



E le i umi ae oo mai le aso o la matou faigamalaga i le malumalu. Sa faia o'u ofu lotu o le Aso Sa ma selu lo'u ulu. Na sau Abuela i lo'u potu.

"O a mai ou faalogona?" sa fesili mai ai o ia.

"Fiafia! Ua le mafai ona ou faatali ou te alu i le malumalu."

Sa nofo i lalo Abuela i le pito o lo'u moega ma toso i fafo se fasi pepa mai lana taga.

"O se kata mo se sauniga i le malumalu," fai mai ai o ia. "E mo lo'u tuagane. Sa matua faapitoa lava o ia ia te a'u. Ae sa maliu o ia ae le i mafai ona papatiso. Pe e te papatiso ea mo ia i le malumalu i le asō?"

Sa tuuina mai e Abuela le pepa ia te a'u. Sa ou faituina le igoa: Ramon Rodriguez. Sa ou iloa atu le alofa o Abuela i lona tuagane, ma sa ou faafetai sa ia faatuatuaaina a'u ou te papatiso mo ia.

"Ioe, Abuela. Faafetai!" Sa ou tuu ma le faaeteete le kata i la'u taga.

A o matou tietie i le pasi agai i le Malumalu o Santo Domingo, sa faamatala mai e Abuela ia te a'u le taimi sa alu ai o ia i le malumalu mo le taimi muamua ma Abuelo. I le taimi lena, sa manaomia

ona latou o mamao i Peru auā sa leai se malumalu i le Dominican Republic.

I le itula mulimuli ane, sa matou taunu loa i le malumalu. Sa i ai foi iina ma Epikopo Garcia. Sa matuā pupula tele o'u mata a o matou savavali agai i luga i le malumalu. Sa matuā matagofie tele! Sa ou tu e faitau upu i luga o le faitotoa: E Paia i le Alii: Le Maota o le Alii.

A o ou savali atu i faitotoa, sa ou iloa o loo ou ulufale atu i se nofoaga faapitoa. Sa pei e liu suavaia ese atu o'u popolega uma. Sa matuā filemu ma to'a mea uma.

Ina ua uma ona sui i laei papa'e, sa ma tutū ma Epikopo Garcia i le vai papatisoga. Sa ou faalogo ma le faaeteete a o ia fai upu o le tatalo o le papatisoga. Ina ua ia ta'u maia le igoa o Ramon, sa faatumulia lo'u tino i se lagona filemu.

Sa tuu ifo a'u i lalo i le vai i Epikopo Garcia. Ina ua ou sau i luga, sa ou foliga ataata. Ua le mafai ona ou faatali e toe faia lenei mea! ●



E alala le tusitala i National District, Dominican Republic.



Asiasi Elder Rasband i Cape Verde



O Elder Ronald A. Rasband ma lona toalua, o Sister Melanie Rasband, sa asiasi atu i Cape Verde. O se atunu matagofie e maua ai motu e 10 i le talafatai o Aferika.




Sa latou asiasi foi i se faatoaga. O tagata o le Eklesia o loo aoao e tausi meaituā'ol ma isi manu iina ina ia mafai ai ona lagolagoina o latou aiga.



Sa matuai fiafia i latou e faalogo o saunoa mai Elder Rasband. O le taimi muamua lea na asia ai lo latou atunu e se Apostolo!



E malaga Aposetolo faataamilo i le lalolagi e auuana atu i tagata ma aodo i latou e uiga ia Iesu Keriso.
Sa asia e Elder Rasband se aoga mo tamaiti laiti. O le toatele e leai ni matua e tausia i latou. Sa laina i latou e faatalofa ia te ia. Sa matuā fiafia lava Elder Rasband i lena mea. O Elder ma Sister Rasband e 27 fanau a la fanau!



“E alofa le Atua ia te outou. E alofa le Faaola ia te outou.”



E Mafai Foi Ona Tatou Fesoasoani!

E auina atu tupe e le Ekalesia e fesoasoani i le aoga a tamaiti lea sa asia e Elder Rasband. O le auala lenei e mafai ona e faasoa atu tupe mo tamaiti e pei o i latou!

- A totogi lau sefuluai, faaopoopo ma se isi tupe i le teutusi.
- Tusi le aofai faaopoopo i le laina o loo faapea mai "Fesoasoani Alofa."
- Faamau le teutusi ma avatu i lou epikopo po o le peresitene o le paranesi.
- O le a fesoasoani lau tupe i tagata i soo se mea o le lalolagi i le tele o auala!

E toa fa tamaiti sa foai a latou tupe i le Tupe Fesoasoani Alofa a le Ekalesia. Mulimuli i ata foliga eseese i le ala e vaai ai po o a mea sa faaaoga i ai tupe a tamaiti taitoatasii.

The grid consists of 64 cells. A sample of the pattern: Row 1: Blue circle, Yellow square, Yellow square, Yellow square, Purple star, Red hexagon, Yellow square, Blue circle. Row 2: Yellow square, Yellow square, Red hexagon, Yellow square, Blue circle, Yellow square, Green hexagon, Green hexagon. Row 3: Purple star, Blue circle, Purple star, Yellow square, Yellow square, Yellow square, Green hexagon, Green hexagon. Row 4: Green hexagon, Green hexagon, Green hexagon, Blue circle, Purple star, Green hexagon, Green hexagon, Yellow circle. Row 5: Blue circle, Green hexagon, Green hexagon, Green hexagon, Green hexagon, Green hexagon, Yellow circle, Yellow circle. Row 6: Yellow star, Yellow star, Green square, Blue circle, Green square, Yellow circle, Yellow circle, Purple star. Row 7: Green square, Yellow star, Yellow star, Yellow star, Yellow star, Yellow circle, Green square, Orange hexagon. Row 8: Orange hexagon, Yellow star, Yellow star, Yellow star, Yellow star, Orange hexagon, Blue circle, Blue circle.

Aoga

Meaai ma fualau

Nofofaataavalevale

Fesoasoani i le mae'a ai o lologa po o mafuile

Faaali ma Ta'u Atu



O u te fiafia e tatalo. Pe a leiloa se meataalo, ou te tatalo, ma e fesoasoani mai le Atua ia te a'u ina ia maua. O nisi taimi ou te tatalo ae lei amataina le vasega ma taaloga lakapi. Ou te fiafia pe a matou tatalo o se aiga ma pe a tofia a'u e faia le tatalo i le Peraimeri. Ou te fiafia e tatalo ona ou te iloa e lagona ma tali mai le Tama Faalelagi i a'u tatalo.

Kirill, 8 tausaga



O u te iloa o loo soifua Iesu ma sa Ia ofoina mai Lona soifua mo tatou. Ou te iloa o Iesu o lo tatou Fa'aola ma le Togiola.

Maria, 10 tausaga



Talus P., 9 tausaga, Virginia, ISA



O u te fiafia e faitau le Tusi a Mamona i po uma ma tatalo i taimi uma e iloa ai e moni.

**Aaron P., 7 tausaga,
Esmeraldas, Ekuatoa**



O u te faasoa atu a'u vali lanu ma tagata o la'u vasega.

**Mira L., 6 tausaga,
Central Luzon,
Filipaina**



Saunia e Elder
Allen D. Haynie
O le Fitugafulu

O Le Mea Sese i le Seleina o le 'Ava

"Matou te talitonu i le faamaoni" (Mataupu Faavae o le Faatuatua 1:13).

Ina ua iva o'u tausaga, sa ou manao e faatutupu sa'u 'ava. Sa ou manatu e faia lea e ala i le sele o o'u foliga i aso uma. Mo ni nai aso sa ou faaaogaina le tafi a lo'u tamā e sele ai. I se tasi aso na vaai mai lo'u tamā o sele o'u foliga. Sa ia lapatai mai ia te a'u e aua le faia aua ou te ono lavea ai.

Ou te faanoanoa e ta'u atu sa ou lē usiusitai i lo'u tamā. Sa toe sele foi i le aso na sosoo ai. A o sele o'u foliga, sa see ese le tafi mai o'u tamailima āā. Sa matuai loloto se lavea i luga o lo'u laugutu. Sa ou matuā fefe lava a o ou faapipiā lo'u laugutu. Ae sa sili atu lo'u fefe po o le a le tala a lo'u tamā o le a fai mai.

Ina ua sau o ia i le fale i lena po ma vaai i lo'u lavea, sa faate'ia ma popole o ia. Sa fesili mai o ia pe na faapefea ona tupu.

"Ia," ou fai atu, "Sa ou tamō'e mai i le auala, ma ou pa'ū tau i lalo o'u foliga."

Sa ou pepelo! Muamua sa ou lē usiusitai, ae o lea ua ou lē faamaoni! Sa lē mafai ona ou moe i lena po. Ua leva le po, ae sa manaomia ona ou ta'u atu ia Papa le mea moni. Sa ou maua atu o ia i le potu malolo.

"Papa, sa ou pepelo atu ia te oe," sa ou fai atu ai.
"Ou te lei pa'ū i lalo. Sa ou lavea a o sele o'u foliga i le tafi. Ou te faamalie atu."

Sa filemu lo'u tamā mo sina taimi. Ona ia fai mai lemu ai lea, "Sa e lē usitai, Atalii. E lē o se mea lelei lena. Ae ua ou mitamita ua e filifili e ta'u le mea moni."

O lena lesona—ma le ma'ilā—ua tumau ia te a'u i aso uma talu mai lena taimi. Pe i lo'u Tamā Faalelagi pe i au uo ma aiga, ia avea oe ma faataitaiga o le faamaoni ma le upu moni. ●



O Tusi a Paulo

Saunia e Marissa Widdison

Mekasini a le Ekalesia



Sa fesoasoani le Aposetolo o Paulo e taitai le Ekalesia ina ua mavae
le maliu o Iesu. I lena taimi, sa leai ni telefoni po o ni initonet.
Ona tusi lea e Paulo o tusi i tagata o le Ekalesia.

Sa tusi Paulo i tagata i le aai o Korinito. Sa ia ta'u atu ia i latou ia faamagalo i isi. Sa ia ta'u atu ia i latou ia onosai. Sa ia tusitusi e uiga ia Iesu.



Sa matuā taua tele tusi a Paulo sa faapena ona avea ma vaega o le Tusi Paia. E mafai ona e faitauina i latou i le Feagaiga Fou.

Sa tusi Paulo i tagata i se nofoaga e ta'ua o Kalatia. Sa ia ta'u atu ia i latou ia alolofa i o latou tuaoi. Sa ia ta'u atu pe faapefea le faalogona o le Agaga.





E mafai ona ou aoao mai i aoaoga a Paulo. O le a ou faalogo
i mea o le a aoao mai e perofeta ma aposetolo i le asō! ●

Ou te Fiafia i le Tusi Paia!



Matua Pele

O se tausaga manaia lenei mo malumalu i le lalolagi atoa! Ua faapa'iaina malumalu i Italia, Democratic Republic of the Congo, Brazil, Haiti, ma Potukale. E iai nisi malumalu o lo o toe faapaiaina. O lenei mekasini o loo iai ni nai tusiga o loo talanoa mai e uiga i malumalu. E mafai e lau fanau ona:

- Toe iloilo fesili mo le pepa faataga o le malumalu i le (itulau U11).
- Mulimuli ia Mei a o ia aoao e uiga i se tagata o lona aiga o loo manaomia le faia o sauniga o le malumalu (itulau U12–U13).
- Faitau se tala e uiga i se malaga muamua a se tamaititi i le malumalu (itulau U14–U15).

E mafai ona maua e lau fanau taimi uma lava o loo faaaogaina ai le upu *malumalu* i totonu o le mekasini? E mafai ona latou faataitai le tusiina o le fuaiupu “Ou te fia vaai i le malumalu” ma tusi se ata o lo outou aiga i le malumalu. Ma te fiafia lava e vaai i au ata!

Ua faapefea ona faamanuiaina lou olaga e malumalu?

O Le Uo

Auala e Auina Atu ai Galuega Tusiata po o Aafiaga a Lou Alo i le Liahona

Alu i le liahona.ChurchofJesusChrist.org ma kiliki i le “Auina Mai se Tusiga po o ni Manatu Faalia.” Pe imeli atu i le liahona@ChurchofJesusChrist.org faatasi ai ma le igoa o lou alo, tausaga, aai e nofo ai, ma lenei faamatalaga o le faatagana: “O a'u, [tuu i totonu lou suafa], ua tuuina atu le faatagana i le Ekalesia a Iesu Keriso o le Au Paia o Aso e Gata Ai e lolomiina le ata poo le tala a lo'u tama i totonu o le mekasini a le Ekalesia, uepisaite, ma tekinolosi faaleagafesootai.”



Saili le Liahona o loo nana i totonu!

ANOTUSI

- U2** Mai le Au Peresitene Sili: O Auala e Tolu e Faifai Mea Faatasi ai ma Isi
- U4** O le Faafitauli o le Ma'i Suka
- U6** Faafeiloi atu mai Rusia!
- U8** Ua Faamagalo Atu E Le Purinisese Lage
- U10** Meamalie: Alu mo le Fa i le Konafesi Lenei!
- U11** O le a se Mea o i Lou Mafaufau?
- U12** Talafaasopito o Aiga, Faa Faasitepu
- U14** O Le Filemu i le Malumalu
- U16** O Apostetolo i le salafa o le Lalolagi: Asiasi Elder Rasband i Cape Verde
- U18** Faali ma Ta'u Atu
- U19** O Le Mea Sese i le Seleina o le 'Ava
- U20** Tala o Tusitusiga Paia: O Tusi a Paulo
- U23** Itulau e Valivali: Ou te Fiafia i le Tusi Paia!